

ՀԱՅԱՍՏԱՆԻ ՄԻՋՆԱԴԱՐՅԱՆ ՔԱՂԱՔՆԵՐԻ
ԲՆԱԿՋՈՒԹՅԱՆ ՍՈՑԻԱԼԱԿԱՆ ԿԱԶՄԸ

Բ. Ն. ԱՌԱՔԵԼՅԱՆ

ա. ԲԱՐՁՐ ԴԱՍԵՐԻՆ ՊԱՏԿԱՆՈՂ ԲՆԱԿՋՈՒԹՅՈՒՆԸ ՔԱՂԱՔՆԵՐՈՒՄ

IX—XI դարերում Հայաստանում առաջացան բազմաթիվ քաղաքներ: Դրանք պատկանում էին խոշոր ֆեոդալներին՝ թագավորներին, իշխաններին, կազմելով նրանց տիրույթը: Վաղին նաև փոքր թվով քաղաքներ, որոնք առանձին ֆեոդալների շէին պատկանում և գտնվում էին ընդհանուր պետական ենթակայության ներքո: Վերջիններս տեղադրված էին առավելապես Արևմտյան Հայաստանում, որը միակցված էր բյուզանդական կայսրությանը:

XIII դարում Հայաստանում առաջանում են նաև մասնավոր տիրույթ հանդիսացող քաղաքներ, այլ խոսքով՝ քաղաքներից մի քանիսը դառնում են առանձին մեծատունների սեփական տիրույթը: Սակայն այս երևույթը Հայաստանում քիչ թե շատ նշանակալից տարածում չգտավ և կարճատև կյանք ունեցավ:

Նշված բոլոր տիպի քաղաքներում էլ բնակվում էին որոշ թվով ազնվականներ՝ քաղաքի տեր ֆեոդալները, նրանց մերձավորները, թագավորական և իշխանական արքունիքների ազնվական պաշտոնեությունը և ուրիշները:

Քաղաքների տնտեսական աճը արտահայտվում էր ոչ միայն արհեստագործության և առևտրի զարգացմամբ, այլև դրանց հետ, ինչպես և քաղաքի բնակչության տնտեսական կարիքների սպասարկման հետ կապված հասույթաբեր հաստատությունների՝ կտրավանատների (խանապար), իջևան-պանդոկների (փնդուկ), հյուրատների, ջրաղացների, ձիթհանների, վարձով տրվող տների ու կուղպակ-արհեստանոցների առաջացմամբ և տարածմամբ: Այս ամենը ձգողական ուժ էր ստանում և դեպի իրեն էր գրավում ազնվականներին, հոգևորականներին, իսկ հետզհետե նաև մեծատուններին: Այսպիսով քաղաքը տնտեսական հնարավորություններ էր բնօրինում նաև իշխող դասակարգին պատկանող բնակչության թվական աճի համար: Այս տեսակետից խիստ բնորոշ է Անիի պատմությունը, որտեղ բնակչություն էին հաստատել զգալի թվով ազնվականներ և ավելի մեծ թվով հոգևորականներ: Սրանք այս կամ այն չափով մասնակցություն էին ցուցաբերում քաղաքում կատարվող առևտրին և տեր էին դարձել վերևում նշված հասույթաբեր հաստատություններին: Այդ հանգամանքը ցայտուն կերպով դրսևորվել է Անիի և նրա մերձակայքի ճարտարապետական հուշարձանների, առավելապես վանքերի ու եկեղեցիների պատերի վրա փորագրված մեծ թվով արձանագրությունների մեջ:

Ազնվականության ձգտումը՝ ունենալու հասույթաբեր հաստատություններ, իր արտահայտությունը գտել է նաև Մխիթար Գոշի Դատաստանագրքում, որտեղ սահմանվում է, թե քաղաք, գյուղ կամ բերդ կառուցելը, աշխարհագիր

կատարելը, դրամ հատելը, մեծ գետերի վրա կամուրջ, նաև հոգևոր (հյուրանոց) և «իջևանաց տուն» կառուցելը թագավորի իրավունքն է, իսկ մյուս իշխանները կարող են այդ իրավունքը ձեռք բերել թագավորի թույլտվությամբ¹:

Անհում, օրինակ, բնակվում էին մի շարք ազնվական տոհմեր՝ Բաղրատունի թագավորներն իրենց մերձավորներով, Պահլավունի իշխանները, Վեստ Սարգսի, Ապուղամբենց, հետագայում Զաքարյան և այլ տոհմերը:

Ազնվականությունը իշխող ամենաբարձր և արտոնյալ դասն էր, որն իդեալականացված է նույն դասի ղաղափարախոսների կողմից: Բացի խոշոր ազնվականներից, քաղաքում բնակվում էին միջին և մանր ազնվականները՝ ազատները, որոնց զգալի մասը զինվորական և այլ պաշտոններ ունեւր:

Առանձին տիրապետող դաս էր կազմում հոգևորականությունը: Դեռևս V դարից բարձր հոգևորականությունը՝ կաթողիկոսը, Եպիսկոպոսները, վանքերի առաջնորդները հավասարեցված էին խոշոր ազնվականությանը, իսկ արևդաները, քահանաները՝ մանր ազնվականներին — ազատներին: XII—XIII դարերի համար բնորոշ է ունեցվածքային տարբերությունների խորացումը ինչպես աշխարհիկ մարդկանց, նույնպես և հոգևորականների մեջ:

Բարձր հոգևորականության թվում կային այնպիսիները, որոնք կալվածներով և հարստությամբ մրցում էին խոշոր իշխանների հետ: Այդպիսին էր, օրինակ, Պետրոս կաթողիկոսը, որի գանձերի մեծությունը հոռոմներին, այսինքն բյուզանդացիներին և Վալտեր էր² և որի հայրապետանոցի ճոխությունը մրցում էր արքունիքի ճոխության հետ: «Վասն զի յորժամ էր տէր Պետրոս յաթոռ հայրապետութեանն և ի Հայաստան աշխարհին, ունէր կազմութիւն հայրենեաց՝ տուեալ ի թագաւորացն Հայոց՝ հինգ հարիւր գեղ անուանի և մեծանիստ և շահաւէտ բնտիր բնտիր, նոյնպէս և Եպիսկոպոսս հինգ հարիւր փառաւոր և գաւառապետս ի վերայ Եօթն հարիւր թիմի հանապազ, Երկուսուսան Եպիսկոպոս և չորս վարդապետ ի տանն հայրապետին և վաթսուն երէց ի կրօնաւորաց և յաշխարհականաց՝ հինգ հարիւր, և շէր նուաստ աթոռ հայրապետութեանն քան զթագաւորութեանն Հայոց»³:

Առասպելական էին նաև Արծնի քորեպիսկոպոս Դավթուկի հարստությունները: Մատթեոս Ուռհայեցիին գրում է. «զայս բազում անգամ լուեալ է մեր ի բազմադ յաղաղս քորեպիսկոպոսին՝ որ ասէին Դավթուկ, Եթէ զգանձատունն նորա Արրիհիմն էառ և քառասուն ուղտ բարձան զգանձատունն նորայ, ութ հարիւր վեցկի Եզանց Ելանէին ի տանէ նորա: Եւ կայր յայնժամ ութ հարիւր Եկեղեցի Ենդ պատարագով»⁴:

Եթե փորձենք բացատրել Արծնի քորեպիսկոպոսի վերաբերյալ այս ամանդությունը, ապա հարկ կլինի նշել, որ նրա առասպելական հարստությունների աղբյուրը այն հսկայական կալվածքներն էին, որոնք մշակվում էին 800 վեցկե (այսինքն երեքական լուծ) Եզների միջոցով, և այն ութ հարյուր Եկեղեցիները, որոնք հարկատու էին քորեպիսկոպոսին, թեկուզ դա չափազանցություն նկատվի: Արծն մեծ քաղաքում քորեպիսկոպոսը հնարավորություն ուներ իրացնել իր հասույթները և մեծ գանձեր կուտակել:

¹ Սխիբար Բոշ, Դատաստանագիրք, էջ 304:

² Մատթեոս Ուռհայեցի, Ժամանակագրութիւն, էջ 137:

³ Նույն տեղում, էջ 133-134:

⁴ Նույն տեղում, էջ 103:

Ահա և միջին կարողության հողևորականի մի օրինակ. անեցի Արրահամ Լրեցը, որը պատմադիր Սամվել Լենեցու թոռն էր, հսկոնքի վանքին նվիրել է Լրկու տուն և Լրկու կուղպակ¹: Իհարկե, այդ երեցի ունեցվածքը նվիրաբերածներից շատ ավելի էր:

Անհում և այլ քաղաքներում մեծ թվով վանքեր ու եկեղեցիներ, որոշ քաղաքներում էլ մզկիթներ կային, և քաղաքներում բնակվող հողևորականության թիվը բավականաչափ մեծ էր:

Քաղաքային անաշխատ բնակչության թվին էր պատկանում նաև զինվորականությունը: Քաղաքի տեր ֆեոդալներն ունեին իրենց զինվորական ջոկատները, որոնք այնքան ավելի ստվարաթիվ էին, որքան ֆեոդալը խոշոր էր, այսինքն՝ որքան մեծ էին ֆեոդալի տիրույթներն ու նրանցից ստացվող հասույթները. կամ հարկատու բնակչության թիվը: Այդ զորքը կոչված էր ճնշելու ֆեոդալներին հպատակ բնակչության դիմադրությունն ու ընդվզումները և կրավելու արտաքին թշնամիների դեմ: Ձորքերի հրամանատարությունը ազնվականների կամ ազատների ձեռքում էր: Հեծյալ զորքի հրամանատարին կամ հեծելավարին վերաբերող մի հասովածում ասվում է. թե սա է «արմատ կենաց»՝ զարմի յաղատաց՝ գովեալ գմիր (հերոս) ի զաւրականաց, ահեղ յաղթող ի յամբարշտաց...»²:

Զինվորականներն այս ժամանակաշրջանում ծառայում էին հոռով կամ վարձով: Իրրե անարտադրող խավ՝ նրանք ապրում էին հիմնական արտադրողների հաշվին:

Զինվորների, նրանց զերի և վարձատրության վերաբերյալ կարևոր տեղեկություններ կան ներսես Շնորհալու «Ընդհանրական թղթում»: Հեղինակը ասում է, որ կային «զասք զինւորաց ընդ ձեռամբ իշխանութեանց և պետութեանց»: Այս զինվորները ստանում էին հոռզ (ռոճիկ) և թոշակ, որոնց պակասելու դեպքում նրանք փախչում էին կամ անհնազանդություն ցուցաբերում, ուստի կաթողիկոսը կոչ է անում զինվորներին հնազանդ լինել իրենց մարմնավոր տերերին և միամտությամբ ծառայել նրանց: «Իսկ որ նենգաւոր գտանի բանիւ կամ գործով կամ անձիւ տեառն իւրոյ կամ տեղոյ ամրականի նորա կամ ընչից նորին. աստուծոյ է նենգութիւնն և ոչ մարդոյ»:

Ատելի է օրինակ մերոց նենգութիւն տէրանց և սիրելի է հաւատարմութիւն»³:

Միանգամայն պարզ է, թե ում շահերն է արտահայտում ներսես Շնորհալին:

Բացի բուն զինվորական ծառայությունից, զինվորները պարտավոր էին կատարել իրենց տերերի հանձնարարությունները և հարկ եղած դեպքում ուժ գործադրել բնակչության նկատմամբ: Շնորհալին ասում է, որ զինվորը տիրոջ կողմից կարող է կարգվել «ի գործ վերակացութեան», կամ առաքվել «ի տնօրէնութիւն ինչ բանի», այսինքն բնակչության կոռային, պարհակային և աշխատանքային այլ պարտավորությունների կատարման ժամանակ զինվորը կարող էր կարգվել իրրե վերակացու, նա կարող էր ուղեկցել և սատարել հարկահաններին, Լրբեմն զենքի ուժով ճնշել անհնազանդներին

¹ Ալիշան, Շիրակ. էջ 128:

² Մատենադարանի ձեռագիր № 8030, էջ 224ա:

³ Նե:սես կաթողիկոս. Թուգթ ընդհանրական, էջ 100 — 101:

բանտարկել կամ պատժել նրանց և այլն: Այս ամենի ժամանակ զինվորները զործադրում էին այն աստիճան զաժան բռնություններ, որ կաթողիկոսը նրանց կող է անում իրավունքով վարվել և զահճի զաժանություն չցուցաբերել, անտեղի արյունահեղություն չկատարել¹:

Քաղաքներում առաջացել էր նաև մեծատունների նոր վերնախավը, որի ծագման, դերի և դիրքի մասին հարկ կա ավելի մանրամասն խոսել:

«Մեծատուն» ասելով սկզբնապես հասկացել են առհասարակ խոշոր հարուստներին, և առաջին հերթին ֆեոդալներին: Մի թարգմանական հին զրվածքում, օրինակ, ասվում է՝ «Ես որդի էի մեծատան իշխանի»²: Հետագայում մեծատուն տերմինը պահպանում է «խոշոր հարուստ» բնդհանուր իմաստը, սակայն ստանում է որոշակի առում և զործածվում է արդեն ոչ թե իշխանների, այլ առևտրի, վաճառականության և վանազան պաշտոնների շնորհիվ հարստություն ու համբավ ձեռք բերած այնպիսի տների համար, որոնք իշխանական ծագում չունեին և բարձրացել էին մանր ազնվականների և ավելի հաճախ բոլորովին ազնվական ծագում չունեցող քաղաքացիների թվից:

Մեծատան համբավ ստանալով, այս նորելույի հարուստները ձեռք են բերում նաև «պարոն» պատվանունը, որը XII—XIII դարերում զործածված է գերազանցապես նրանց համար: Միայն առանձին դեպքերում պարոն կոչվել են քաղաքապետ իշխանավորները կամ քաղաքի տեր իշխաններն ու մեծատունները, որոնք միաժամանակ հանդիսանում էին տվյալ քաղաքի քաղաքապետը: Այդ բանը շատ պարզ երևում է մանավանդ Անիի և նրա մերձակայքի վիմական արձանագրություններից³: Իսկ իշխանները, եթե քաղաքատեր-քաղաքապետ չէին, սովորաբար կրում էին ոչ թե պարոն, այլ «պատրոն» պատվանունը⁴, թեև կան նաև բացառություններ:

XIV դարում և դրանից հետո պարոն տիտղոսը որոշ փոփոխություններ է կրում, բայց դա մեր թեմայի ժամանակներին չի վերաբերում:

Աղբյուրների տեղեկությունները մեծատունների մասին որքան էլ պատահական լինեն, այնուամենայնիվ թույլ են տալիս զաղափար կազմելու այդ խավի կազմի և հարստության աղբյուրների մասին, ուստի և հարցի քննարկման համար մի շարք վկայություններ մեջ կրելվեն ժամանակագրական կարգով:

988 թ. հիշատակված է Կիրակոս վաճառականը, որի համար Հովհաննես զրիչը ավետարան է օրինակել Բջնիում⁵:

1042 թ. Բագնայրի մի արձանագրության մեջ հիշատակված ոմն հարուստ Գրիգոր Մադիկը Եկեղեցուն նվիրել է զանձագին կուղպակներ, որոնք գտնվել են Անիում, մի այլ մեծատան՝ իջևանատեր Վասիլի փնդուկի զիմաց⁶:

1054 թ., երբ սելջուկները գրավեցին Կարսը, պատմիչի ասելով ողբի արժանի գործեր կատարեցին: «Մեծահարկի և պատուական վաճառականը շարաշար մահուամբ սպանեալը, երիտասարդը և քմբշամարտք ի փողոցսն սրակո-

¹ Ներսես Կարողիկոս, Թուղթ բնդհանրական, էջ 104:

² «Թանգարան հայկական հին և նոր գրությունների», «Անկանոն դիրք նոր կտակարանաց», էջ 118:

³ Ալիշան, Շիրակ, էջ 70, 83, 84, 116, 117 և այլն:

⁴ Նույն տեղում, էջ 49, 83—84, 82, 74, 86, 130 և այլն:

⁵ «Շողակաթ», էջ 190:

⁶ «Վիմական տարեգիր», էջ 22:

տորք»¹։ Այստեղ, ամենից առաջ, հիշատակված են մեծահարկի վաճառականները, որովհետև թագավորները և ազնվականները ամրանալով միջնաբերդում կոտորածից զերծ մնացին։

Մի ձևագրի 1058 թ. գրված հիշատակարանում խոսվում է պարոն Եունուրի որդի պարոն Ամրակումի և սրա որդի Ունո Մանուկի մասին։ Ուրեմն դա պարոնների մի տուն էր, որը հայտնի է Երեք սերնդի տեականությամբ։

Այլուկների տիրապետության առաջին շրջանում, երբ քաղաքները ծանր հարված ստացան, իհարկե, վաճառականներն ու մեծատունները բոլորովին չանհետացան, սակայն նրանց մասին տեղեկություններ չեն պահպանվել և XII դարի մեծատուններից քչերի անուններն են մեզ հասել։ Աղբյուրներում և գրականության մեջ կարելի է գտնել այդ դարի 13—15 մեծատան անուն։ XII դարի կեսերին հիշված են Սեբաստիայի դատավոր ումն Թոտոսը², Անեցի Արահամը, որն իր ծախսով կառուցել է տվել Անիի պարսպի բուրգերից մեկը³։ Մնացածների անունները հիշատակված են դարավերջին։

Չափազանց մեծ է մեծատուն պարոնների թիվը XIII դարում։ Աղբյուրներում և գրականության մեջ հանդիպում են հարյուրից ավելի մեծատունների անուններ։ Ստորև կրկնվեն մի շարք վկայություններ, որոնք ավելի որոշակիորեն են բնութագրում մեծատունների խավը։

1204 թ. Մշո սր. Ղազարի վանքում գրված, բնագրաված ու հյաթ տարված ձևագրի և տ գնման համար դրամական միջոցներ են տվել Մշո և հյաթի մի քանի մեծատուններ ու տանուտերեր, դրանց թվում խլաթեցի պարոններ Խոցաղեղը և Վարդիկը⁴։ Նույն ձևագրի ստացողը կամ գնորդը Էղե է բարեղցի պարոն Վասուսի որդի պատրոն Աստվածատուրը, որն իր հայրենի քաղաքի հայերի առաջնորդն էր՝ ռայիսը⁵։

Երևան քաղաքի մեծատուններից հիշատակված են պատրոն կամ ըմբել Վարդը⁶, Դուրը⁷ և Սարգիսը⁸, որոնց անունները պահպանվել են Կեչառուրի, Գեղարդի արձանագրությունների մեջ։ Սրանք հանդես են գալիս պատրոն կամ պարոն պատվանունով։ Կեչառուրի մի արձանագրության մեջ Վարդը իրեն անվանում է «ես պատրոն Վարդ Երևանայ...»⁹, իսկ Այրիվանքի արձանագրություններից մեկում ասված է. «ես Դուրս և Երևանոյ տանուտեարքս և պարոնայքս»¹⁰։ Ընծաներ ենք տվել Այրիվանքին¹¹։

Հոռե քաղաքի մեծատուններից էին Արրահամը և սրա որդի Խաչերեսը։ Այս Խաչերեսը Լոռեցին 1209 թ. Բագնայրի Եկեղեցուն նվիրել է Անիում գտնվող զանազան յոթ կուղպակ և երեք տուն¹²։

¹ Արխիտակես Լաստիվերտցի, Պատմություն, էջ 62։

² Գաբրիել Ա. Կարողիկոս, Յիշատակարանք, էջ 235։

³ «Հայոց նոր վկաներ», էջ 8։

⁴ Այիշան, Շիրակ, էջ 41։

⁵ Գաբրիել Ա. Կարողիկոս, Յիշատակարանք, էջ 717—718։

⁶ Նույն տեղում, էջ 702, 711։

⁷ Այիշան, Այրարատ, էջ 262։

⁸ Ստեփանոս վ. Մխիթարեանց, Ստորոգութիւն մեծի ուխտին Այրիվանայ, էջ 50։

⁹ Նույն տեղում, էջ 8։

¹⁰ Այիշան, Այրարատ, էջ 162։

¹¹ Ստեփանոս վ. Մխիթարեանց, Ստորոգութիւն մեծի ուխտին Այրիվանայ սրբոյն Գեղարդայ, Վաղարշապատ, 1873, էջ 50։

¹² Այիշան, Շիրակ, էջ 117։

1211 թ. Բագարանի պարոնն էր ոմն Գրիգոր¹:

Նույն 1211 թ. Սեբաստիայում գրված մի նկարագրող ավետարանի հիշատակարանում խոսվում է Ավետարանի գրչության օժանդակած մեծատունների, այն է՝ Սարգիս պարոնի և նրա որդիներ Հովհաննեսի, Ուքանի և Պապքանի տոհմի մասին²: Փոքր ինչ ուշ հիշատակվում են երեզցի պարոններ Վասուսը, նրա որդի Սարգիսը և Ապլոսաթ, Լ'նձակ և հաջորդ պարոնները³:

XIII դարի առաջին կեսի խոշորագույն փողատեր, վաշխառու մեծատունը Տիգրան Հոնենցն էր: Սույն ազնվական ծագում չունեի և, ինչպես էրևում է վիճակա՝ արձանագրություններից, վարում էր տնտեսական կարգի մի պաշտոն Զաքարյաններին պատկանող Անի քաղաքում: Նավանարար Հոնենցը եղել է հարկային վերակացու: Միջոցներ կուտակելով՝ նա զբաղվում է առևտրով ու վաշխառությամբ և «գրավկնելով» շատ ազնվականների անշարժ գույքն ու կալվածները, դառնում է հսկայական հարստությունների տեր: Բացի կուտակած մեծ գանձերից, նրան են պատկանել մի ընդարձակ թաղամաս Անիում՝ իր բոլոր շենքերով հանդերձ, բազմաթիվ իջևաններ, հյուրանոցներ, կուղպակներ, ձիթհաններ, ջրաղացներ, քարհատներ (քարհանք), ջրմուղի ցանցի մի մասը և մեծ քանակությամբ հողեր ու կալվածներ:

Անիի կողքին գտնվող Հոռոմոս վանքի արձանագրություններից իմանում ենք, որ այս Տիգրան Հոնենցը 1201 թվականին ղեկուս ոչ այլ ոք էր, քան «Տիգրան ծառայ... իմ պարոն Զաքարիայի», նրա տված նվերն էլ մի ջրաղաց է եղել⁴: 1213 թվականին հծկոնքի վանքի վրա թողած արձանագրության մեջ Տիգրան Հոնենցի տիրոջը նկատելիորեն ճոխանում է՝ նա իրեն կոչում է «հաւատարիմ ծառայ մանդատորթայ խուցէս ամիր սպասալար շահնշահ Զաքարիայի»: Այժմ արդեն վերանորոգում է հծկոնքի վանքը և նվիրում է նրան մի ակ գանձագին ձիթհան Անիում, մի այգի Մարմետում: Նույն 1213 թվականին երևի Զաքարիայի մահից հետո թողած արձանագրության մեջ, Տիգրան Հոնենցը Զաքարյաններին այլևս չի հիշատակում և իրեն կոչում է միայն ծառայ Քրիստոսի: Նա վերանորոգում է Անիի մայր տաճարի սանդուղքները և տաճարին նվիրում իր գանձագին կուղպակը, «որ ի կատանոցին է», երկու տոնական, և երկու արծաթե սկիհ: Խոսելու տոնն էլ հրամայական է, հղիացած, նա չի ասում, թե եկեղեցու սպասավորները խոստացան ինձ պատարագել, ինչպես սովորաբար գրվում է արձանագրություններում, այլ փորագրել է տալիս, «Ու եղի լուծ ի վերայ սպասաւորաց սոցա (մայր տաճարի) ի տարին... պատարագել յանուն իմ մինչ ի գալուստն Քրիստոսի»⁵: Մինչ այդ նման ոճով արձանագրություններ Անիում թողել են Պահլավունի իշխանները:

1215 թվականին Հոնենցը արդեն կառուցում է Անիի գեղեցկագույն տաճարներից մեկը և նրա պատին թողնում մի շատ ընդարձակ արձանագրություն, որը լավագույն կերպով է բնութագրում այս մեծատան կերպարը, նրա հարստությունները և սրանց աղբյուրները, ուստի այդ արձանագրությունը կրկին ամրագրությամբ:

¹ «Այրարատ», էջ 67:

² Կարեգին Ա. կարողիկոս. Յիշատակարանը, էջ 152:

³ Նույն տեղում, էջ 703:

⁴ Ալիշան. Շիրակ, էջ 22:

⁵ Նույն տեղում, էջ 120:

⁶ Նույն տեղում, էջ 72:

«Թվ. Ուր. Շնորհին և ուղորմութեամբն աստուծոյ յորժամ տիրեց քաղաքիս Անոյ հզար և տիեզերակալ ամիր սպասալար և մանդատութեա խուց՝ և Զաքարիայ և որդին նորա Շահնշահ ևս Տիգրան ծառայ աստուծոյ որդի Սըմբատունց Սուլիմա, յազգէ Հոնենց վասն երկար կենդանութեան տերանց իմոց և յորդոց նոցա շինեցի զվանքս սուրբ Գրիգորոյ, որ ի հինն մատրան Աստուածածին կոչիր, որ էր քաղափն և մացառ տեղի աէտ (՝), զոր իմ հալալ զանձով գնեցի ի հերէնէտիրաց և բազում աշխատութեամբ և զանձով պարսպեցի շուրջանակի. շինեցի զեկեղեցիս յանուն սրբոյն Լուսաւորչին Գրիգորի և զարդարեցի բազում զարդիւք փրկական նշանաւք սուրբ խաչիւ ոսկիք և արծաթիք և պատկերագործ խաւերով զարդարեալ ոսկով և արծաթով և ակամբք և մարգարտաւ և կանթեղաւք ոսկի արծաթի և նշխարաւք սրբոց առաքելոց մարտիրոսաց և մասամբ աստուածընկալ և տէրունական խաչին և ամենայն ցեղ սպասք յոսկոյ և արծաթոյ և բազում զարդաւք շինեցի զամենայն ցեղ զբնակարան վանականաց և իշխանաց և կարգեցի ի սմայ քահանայք պատարագողք մարմնոյ և արենն Քրիստոսի, որ անխափան պատարագ մատչի վասն արեւատութեան տէրանց իմոց Շահնշահի և որդոց իւրոց և վասն թողութեան մեղաց իմոց. և խոռ ընծայս ի վանքս սուրբ Գրիգորոյ հայրենիք զոր գնել էի զանձով և վճռամբ հայրենէտիրաց և զոր ևս ի հիմնէ շինել էի զայստսիկ. Գաւոթիսունց գեղին կէսն և քարհտին ե գանկն, Մշակունեց կէսն, Կապուցն կէսն, Յամաքծովն բոլոր, Խուզած Մահմունդ ի Կարուց երկիրն ու Յընդոյ Բ գանգն, Խաչորկանն, և փնդուկն ի քաղաքիս, հայրենիք բաղնիսն ու միլն ի մողանիս, խանապարն կուղպակնով ու կամարակապ փնդուկն ու մարագն, հետ բաղնեցն տէր Սարգսի ախոռն ու մարագն զոր գնեցի, կալն և Բ ակն ձիթհանք և ախոռնի ու մարագնի վանիցս ի դռանս վանիցս առջեւ պահէզն ու լանջն ինչուրվի Գլիծորի դուռն, ինչվի գետն ու գետեղերն պահէզն զոր գնել էին և շինել Դվնա դռանն, կէս ակն ջաղաց, Թարփ մի բոլոր և մին այլ Թարփին շաբ Բ ար, Գլիծորին ջաղաց Ա, Թարփին շաբ, Բ ար ի Բեշքենակապէն ինչուրվի կարմունջն գետին կէսն իմ գնածէն: Պապենց խանաբարն Դ գանգն ու դռան կուղպակն, բոլոր տներ Հատէցոնց զուկակի քաղաքիս դռանս բազում հողեր գնած. այգի Ա յերեան, այգի Ա յՕշական, այգի Ա Կոշ, էգի Ա յԱրուծ, որ Սաղոտն կոչի, այգի Ա ի Մրեն, այգի Ա ի Մմակին, որ կաթողի հող կոչի. զայս որ գնած է. և այլ բազում գրաւկնած էր, զոր ոչ արձանագրեցի վանացս էի տվել ու թէ տէրքն Թարփին ոսկին վանացս, զոր ուրիշ իմ անդարձագրին եմ գրել. և զվանքն Բեխենց կոչեցեալ զոր ևս շինեցի և նորոգեցի ընծայաւք փարթամացուցի ամէնովն. սուրբ Գրիգորոյ վանացս հոգացողս հոգայ զորպիսութիւն...»¹

Այնուհետեւ գալիս է անկեղծ ֆորմուլան, որն այս երկարաշունչ արձանագրութեան մեջ նույնպէս երկար է: Ո՞րպիսի խոշոր հարստութիւնների տեր պիտի լինեն Տիգրան Հոնենցը, որ կարողանար մի վանքի նվիրել այս արձանագրութեան մեջ հիշատակված շարժական և անշարժ գույքը, արտադրական հաստատութիւններն ու հողերը:

Տիգրան Հոնենցի պէս մեծատունների թիվը XIII դարի սկզբներին փոքր էր: Ավելի շատ էին միջին կարողութեան տեր մեծատունները, որոնք իրենց նվիրատվական արձանագրութիւնների մեջ հիշատակում են եկեղեցիներին տված նվերները: Բազարանի Վարդ ռայիսը, օրինակ, 1224 թ. մի այգի է նվիրել նույն

¹ Ալիշան, Շիրակ, էջ 73—77:

գյուղաքաղաքի եկեղեցուն¹, ոմն Սուկատի որդի Կաղերը 1231 թ. Հոռոմոսի վանքին նվիրել է Անիում գտնվող իր երկու տները², կամ հոսրովի գուգակից Շուշիկը նույն տարին նույն վանքին նվիրել է դարձյալ Անիում գտնվող իր տները³:

Այս նոր խավի մարդիկ տոհմական ծագում, հետևաբար և տոհմական անուն կամ ազգանուն չունեին, և էթն ավելի հին դարերում անաղատների դասին պատկանող մարդկանց «ազգանունները» կազմվում էին նրանց ծննդավայրի անունով, օրինակ՝ Ղազար Փարպեցի, Մովսես Խորենացի, Անանիա Շիրակացի և այլն, ապա ֆեոդալական բաղադրների բնակչության համար բնորոշ է ազգանվան կազմելը հոր կամ պապի անունով, զրադմունքի տեսակով կամ անձնական հատկանիշների համեմատ: Ահա մի օրինակ. «ՈԶԲ (1233)... Ես Վահրամ որդի Մխիթարա, թոռն Աւետեացն Չէշկանց և զիւգակից իմ Փառանցանս... Ետու զիմ գանձագին կուգպակն ի փողոցկտերն (փողոցի վրա գտնվող շէնքի երկրորդ հարկում), որ ի Թորոսոնց կուգպակին վերա է, և զայն տուն, որ Սեքթենց հմնակից է և ի վերայն կուգպակն իմ...»⁴:

Շարունակենք մեծատունների վերաբերող տեղեկությունները:

Ոմն Վարդի որդի Խաչերեսը 1233 թ. Անիի իր տները կտակել է Բաղնայրի վանքին⁵: Միջին կարողության մեծատուն է նույնպես Օտար Կողբեցին, որը իր կնոջ՝ Սեղայի հետ միասին 1235 թ. Բաղնայրի վանքին նվիրել է Կողբում ունեցած աղահանքի կեսը⁶:

Վերևում հիշատակված Արթահամ Լոռեցու որդի Խաչերեսը Բաղնայրին նվիրել է 7 կուգպակ և 3 տուն, իսկ նրա դուստր Մամխաթունը նույն վանքին նվիրել է իր կուգպակը, «որ ի փողոցկտերն է ի բաղնոց»⁷:

Այս նույն Խաչերեսի կինը իր վրա է վերցրել Անիի պարսպի բուրգերից մեկի շինարարության ծախսը⁸: Մոր օրինակին հետևել է և Մամխաթունը, որը հողացել է ևս մեկ բուրգի կառուցման ծախսերը⁹: Հոր՝ Արթահամի, որդու՝ Խաչերեսի և սրա դստեր՝ Մամխաթունի գործերի մասին պատմող արձանագրությունները ցույց են տալիս, որ խոսքը վերաբերում է բավականաչափ ունևոր մեծատունների մի տոհմի, որի գոյությունը երկար է տևել:

1235 թ. Անիի կաթողիկոսին ավետարան, շուրջառ և վառ (գրոշ) է նվիրել Կարբցի (Կարսեցի) Զուհայր¹⁰, որը հավանաբար վաճառական էր և այցելել էր Անի:

Անիի մեծատունների թվում աչքի ընկնող դեր են կատարել նաև զինվորականները: Ահա դրանցից մեկի Հոռոմոսում թողած արձանագրությունը. «Զարութեամբն աստուծոյ ևս Շերանիկս զաւրացա ի զինուորութեան... Ետու զիմ գանձագին այգին ի Մմակին... ևս Մարիամ զուգակից Շերանկանն Ետու ի սր. Յովհաննէս զԱկնաց կէս դանդն իմ գանձով զնած»¹¹:

¹ «Վիմական տարեգիր», էջ 68:

² Նույն տեղում, էջ 71:

³ Նույն տեղում:

⁴ Նույն տեղում, էջ 77:

⁵ Նույն տեղում:

⁶ Ալիշան, Այբարաա, էջ 68:

⁷ «Վիմական տարեգիր», էջ 49:

⁸ Նույն տեղում, էջ 61:

⁹ Նույն տեղում, էջ 62:

¹⁰ Նույն տեղում, էջ 79:

¹¹ Նույն տեղում, էջ 240:

Թերևս Շերանիկը Ջաքարյանների նշանակած ղորավարներից մեկն էր, որի պատկերը գտնում ենք XIII դարի մի ձեռագրի լուսանցքում, ղինվորական զգեստով, ուսին դրած ձողից կախված ձկնով ու համապատասխան մակա- ղրությունը: 1222 թ. Շերանիկը ինչ-ինչ պատճառներով բանտարկված է եղել Ուաղասրերդի բանտում:

Շատ խոշոր հարստությունների տեր մեծատուն էր Ումեկը: Սա մանադ- կերտցի էր, ճար անունով մեկի որդին, առևտրական և վաշխառուական լայն ղործունեություն էր ծավալել Կարինում, որտեղից նրան մոնղոլական Բաշու ղորավարը փոխադրեց արևելք: Կիրակոս Գանձակեցին պատմում է, թե մոն- ղոլները կողոպտում և ավերում էին երկիրը. Կարնո քաղաքի ավերման ժամա- նակ Ումեկը, որը էր «այր մեծատուն վաճառական մեծարեցաւ ի նոցանէ»... Սա «առատ տուր ետ Արղունին և որ ընդ նմա և մեծարեցաւ յոյժ ի նոցունց»¹: Տեղափոխվելով արևելք, Ումեկը բնակություն հաստատեց Տփղիսում և մեծ գու- մարով, այն է 40000 ղուկատով գնեց Գետիկը²:

Ումեկի որդին էր Ճարը, որը 1283 թ. Նոր-Գետիկ վանքին նվիրել է 4000 ղուկատով գնած Ծովս գյուղը, նշելով, որ այդ գառն ժամանակներում «հայ- բներքն արժան էր և ոսկին թանկ»³:

Տիգրան Հոնենցի և Ումեկի նման խոշոր հարստություններ կուտակած մեծատուն էր նաև Ավետենց Սահմադինը: Ինչպես երևում է Անիում Սահմա- դիսի թողած արձանագրություններից, նա եղել է այս քաղաքի հարկային վե- րակացուներից մեկը: 1261 թ. Սահմադինը Շահնշահի որդի Արտաշիրից գնել է նախկինում թագավորապատկան Մրեն գյուղաքաղաքը և այստեղ կառուցել է մի պալատ, որի վրա ծախսել է խի (40000) ղուկատ դահեկան: Պալատը գտնվել է «Արքայութիւն» կոչվող պարտեզի մեջ: Նա գնել է նաև Մրենի շրջա- կայքի այգիները «զամեն մէկ յիւր տիրոջն»⁴:

Լինելով մոնղոլական արքունիքը մոծվող հարկերի կապալառուներից մեկը, Սահմադինը բնակչությանը հարստահարելով հսկայական միջոցների տեր էր դարձել: 1263 թ. մի արձանագրությունից երևում է, որ նա Սահիբ- Դիվան Շեմսէդդինի և իր նման հարկահան կապալառու Քարիմադինի հետ միասին Շահնշահի որդիներից գնելով Անին, դարձել էր նրա տեր պատրոն- ներից մեկը⁵: Իսկ մի տարի անց, 1264 թ. գնել է նրան քաղաքը իր հողով ու ջրով և դարձրել այն իր հայրենիքը⁶, որի առթիվ արձանագրություն է փորա- գրված նրանի հին հուշարձաններից մեկի վրա:

¹ Կիրակոս Գանձակեցի, *Պատմութիւն*, էջ 349—350:

² «Վիճական տարեգիր», էջ 121—123:

³ *Նույն տեղում*, էջ 124—125:

⁴ *Н. Н. Марр*, *Ани*, Ереван, 1939, стр. 79.

⁵ «Վիճական տարեգիր», էջ 106:

⁶ Սրան քաղաքի գնմանը վերաբերող արձանագրության և այդ կապակցությամբ Սահմադինի մասին տե՛ս Կ. Ղաֆադարյան, *Նրևանի կաթողիկեի և նորահայտ հուշարձա- նի արձանագրությունները*, «Տեղեկագիր ՀՍՀՊ Պատմության և գրականության ինստի- տուտի», 1938, № 1, էջ 165 և հտ.: Բարխուդարյան, *Մի քանի գիտողություններ Նրևանի կաթողիկե եկեղեցու արձանագրությունների վերաբերյալ* («Տեղեկագիր», 1947, № 5, էջ 71—72): Լևոն Հովհաննիսյան, *Դրվագներ հայ աղատադրական մտքի պատմու- թյան, դիրք առջին, Նրևան, 1957, էջ 208—210*:

1273 թ. թողած մի արձանագրության մեջ ասվում է, որ Սահմադիրն Վերացրել է Արշո-առիճի, Մրենի և Օշականի այգիներից զանձվող հարկը: Նա հիշյալ վայրերի այգիները ազատել է ռի խալալ (պետք է լինի՝ խալալ) և յերկ-րորդ հարկէ»¹:

Սահմադիրն հրամանով Ստեփանոս ձեռնավորը և Վահրամ քեթեաբը 1286 թ. վերացրել են Օշականի երեցների վճարելիք հարկերը, այն է՝ «այգույ, բամբակի... և ժամհարին» հարկերը²: 1288 թ. Սահմադիրն Վերացրել է Օշականի հացի և դարմանի շարիատը³: Նույն թվականին Մրենում թողած արձանագրության մեջ ասում է, որ առաջ վերացրել է «Մրենի հացին շարիատն», իսկ այժմ՝ «զէզեց զինոյ և խաղողի խալէն»⁴:

Սահմադիրն ձեռք էր բերել մեծամեծ կալվածներ նաև Քաջբերունյաց զավատում և դարձել էր զավատի կենտրոն Արճեշ քաղաքի փաստական տերը, որ երևում է 1291 թ. Արճեշում թողած մի արձանագրությունից⁵: Այսպիսով, այս մեծատունը տեր էր դարձել Մրեն գյուղաքաղաքին, Անիի մի մասին, Նրևան քաղաքին, Արշո-առիճ և Օշական ավաններին և Արճեշ քաղաքին: Թե ո՞վ էր Սահմադիրը, պարզվում է իր իսկ թողած արձանագրությունից: Նրա տոհմական ճյուղագրությունը մեծ չի, հոր անունն է Ավետիք, ինքը պարոն է կոչված, իսկ հայրը քիչ թե շատ հայտնի քաղաքացի է եղել, քանի որ նրանից է սկսվում այդ տոհմի անունը: Սահմադիրն թու Քեսութան նույնպես պարոն է եղել և 1295 թ. վերացրել է Օշականի ու նրա վանքերի «ղեսարա» կոչվող հարկը⁶:

Տիգրան Հոնենցը, պարոն Ումեկը, Սահմադիրն և ուրիշները Հայաստանում, համեմատաբար փոքր չափերով և նեղ շրջանակներում, զրոհորում էին ամբողջ Մերձավոր Արևելքում տեղի ունեցող այն երևույթը, որի էությունն էր առևտրական, վաճառական տարրերի, ինչպես և տնտեսական, հարկային, վարչական, ռազմական և այլ պաշտոնեության վերնախավի բարձրացումը հարստության և փառքի սանդուղքներով, նրանց հղիացումը և ի վերջո կալվածատեր դառնալը՝ ֆեոդալականացումը: Նույն երևույթի մարմնացումը, ավելի խոշոր չափերով և րնդարձակ շրջանակներում, ցայտուն կերպով երևան է դալիս Իրանի «բազմահար խոջա» Շամս-աղ-զին Մուհամմեդ Ջուվեյնին՝ մոնղոլական իլխանության ֆինանսական վարչության զազաթը մաղլցած այս Սահիր-Դիվանին վերաբերող մատենագրական և արձանագրական տեղեկությունների մեջ:

Սահմադիրն կարգի կամ նրանից փոքր ինչ պակաս կարողության տեր հարուստներ էին Ուրան Քարիմադիրն և Պապան Ֆահրադիրն, որոնք նույնպես

¹ «Վիժական տարեգիր», էջ 116, 126:

² Նույն տեղում, էջ 129:

³ Նույն տեղում, էջ 130:

⁴ Նույն տեղում:

⁵ Նույն տեղում, էջ 133:

⁶ Նույն տեղում, էջ 137:

⁷ Սահիր Դիվան Շամս-աղ-զին Մուհամմեդ Ջուվեյնիի ճիշտ և ծավալուն բնութագիրը տես Ն. Գ. Ժամկոյանի «Անի քաղաքի 13-րդ դարի երկու արձանագրությունների մասին» հոդվածում, տպված Նրևանի Պետական համալսարանի «Գիտական աշխատություններ»-ի 47-րդ հատորում, 1955, էջ 89—116, մանավանդ Առաջին հոդվածի մասին: «Դիվաններ հայ ազաազրական մտքի պատմության» աշխատության առաջին դրբում, Նրևան, 1957, էջ 211—216:

Անիի հարկային տեսուչներից էին: Սրանք մեծ գանձեր, տներ և հյուրանոց տներին Անիում, իրենց միջոցներով գնել և հիմնովին վերաշինել են Անիից երկու կմ. հյուսիս-արևելք գտնվող Կարմիր վանքը, որը աչքի ընկնող կոթող է, կանգնեցրել են մի եկեղեցու զանգակատուն Անիում, նվերներ են տվել Հոռոմոսի վանքին: Այս պարոնների անունով մնում են նաև ուրիշ նվիրատվական արձանագրություններ 1252, 1268, 1270 և 1274 թվականներից¹:

Անեցի խոշոր մեծատուններից էին Գրիգոր և Վահրամ հեջուբները, պարոն Սարգիսը, որի շքեղ տունը բացվել է պեղումների ժամանակ, և շատ ուրիշներ:

Մեծատունների ցանկը շարունակելու հարկ չկա: Թերված փաստերն էլ պերճախոս կերպով ցույց են տալիս, որ նրանք ազնվական ծագում չունեին, այլ հարստություններ էին կուտակում առևտրի, վաշխառության և զանազան պաշտոններ վարելու միջոցով:

Եկամտաբեր էին մասնավանդ հարկահանության, ֆեոդալների տիրույթների տնօրինման, նրանց կալվածների կառավարման, քաղաքային շուկաների վերահսկողության, ինչպես և վարչական, դատական ու զինվորական պաշտոնները: Վերևում բերված փաստերն էլ ցույց են տալիս, որ մեծատունների թվում, բացի վաճառականներից, եղել են հարկահաններ (տամդատարներ, բաժրարներ և այլն), խոշոր ֆեոդալների ենթակա զինվորականներ, հեջուբներ, ձեռնավորներ (ֆեոդալական տիրույթների ու կալվածների տնօրեններ ու վերահսկիչներ), քաղաքների պարոններ, դատավորներ ու մուհթասիբներ, քաղաքների ու գյուղաքաղաքների, ավանների տանուտերեր և այլ պաշտոնյաներ:

Մի ձեռագրում պարոնությունը դիտված է ոչ թե իբրև ժառանգական երևույթ, ինչպիսին ազնվական կոչումն է, այլ իբրև ձեռք բերովի բան. իսկ ձեռնավորությունը ստորադաս է համարվում, քան պարոնությունը²:

Մեծատուն տերմինը ազդեցություններ է գործածված է այնպիսի կապակցությունների մեջ, որ ցույց է տալիս այս խավի մարդկանց ոչ միայն վաճառական, այլև պաշտոնյա, ոչ միայն փողատեր, այլև հողատեր, կալվածատեր լինելը:

Նշելով, որ թոնգրակյանները նախանձելի ոչինչ չունեն, Գրիգոր Մադիս-տրոսը ասում է՝ նրանց ինչին պետք է նախանձել, «եթե ըստ հայրենեաց սեփականագույն ազնուականության, եթե գանձի՜ք հղիացեալ» են³: Այստեղ տոհմիկ կալվածատեր ազնվականներից հետո հիշատակվում են մեծատունները, որոնք գանձերով հղիացածներ են: Ֆրիկը ևս մեծատան մասին գրում է.

Քան զմեծատունն այլ ո՞վ հարուստ
Անշափ ունէր ակն ու գոհար,
Կապայ հազնէր ցեղք ի ցեղաց,
Փողպատն ամեն մարդարտաշար⁴:

Ուրեմն մեծատունը հանդես է գալիս որպես գանձերի տեր:

¹ H. H. Март, Арм, стр. 189—190, տե՛ս նաև Գաբրիել Հովսեփյան, Նյութեր և ուսու մատերություններ, պրակ Ա, էջ 13—14:

² Մատենադարան, ձեռագիր № 693:

³ Գրիգոր Մադիստրոսի թղթերը, էջ 130:

⁴ Ֆրիկ, Բանաստեղծություններ, 1911, էջ 177:

⁵ Հանդես. № 2

Բայց ահա նույն Ֆրիկը հետևյալ կերպ է բնութագրում մեծատուններին.

Նորա որ զկաշառքն առին
Ու շատ վաշխ ու մեծ տոկոսին...¹:

Այստեղ արդեն զանձատեր, վաշխառու լինելուց զատ մեծատունը միաժամանակ կաշառառու է, իսկ այդ կարող էր անել պաշտոնյան: Ուրեմն մեծատունը միաժամանակ խոշոր պաշտոնյա է:

Սակայն փողատեր մեծատունը նաև կալվածատեր հողատեր է դառնում: Այգեկցու առականներից մեկում ասվում է՝ «մեծատուն մի խիստ փարթամ... ունի շատ ոսկի և արծաթ և շատ ղեղորայք, և ագարակ և շատ միջեր ջաղացնի և այլ շատ միջեր»:

Մի ձեռագրի մեջ ոմն Գրիգորիսի «Թուխտ վասն մխիթարության աղբատաց» գրվածքում ասվում է. «նիկ ընդ պտուղս կալոյ և հնձանի մեծատանն նախանձեցիս...»²:

Այսպիսով, բազմաթիվ մեծատունների վերաբերյալ հակասե՛հ հանվանե՛հ էղած փաստերը և ընդհանրապես մատենագրական վկայությունները ցույց են տալիս, որ նրանք փողատերեր էին, հողատերեր, վաճառականներ, վաշխառուներ, պաշտոնյաներ ու ֆեոդալներ, և միաժամանակ ֆեոդալական հիերարխիայի մեջ գրավում էին Լորդոզ տեղը, աշխարհիկ ու հոգևոր ֆեոդալներից հետո:

Սակայն նման բնութագիր և տեղ նրանք ստացել էին XII—XIII դարերում: Սկզբնապես նրանք հաճախ սոսկ փողատեր էին կամ պաշտոնյա, հետագայում միայն ձեռք բերեցին հողեր ու կալվածներ և դարձան փողատեր-հողատեր մեծատուններ, որոնք արդեն նոր տիպի ֆեոդալներ էին: Մի հեղինակի ասելով՝ «մեծատունք զայնք կամին որ ամենեցուն հաղթեն, և քան զամենեսեան երևելի լինեն»³, Բայց տոհմիկ ազնվականության շահերի արտահայտիչ հեղինակը ավելացնում է, որ մեծատունները շեն կարող ամենքին հաղթել և ամենքից երևելի լինել:

Ն. Յա. Մառը Հոնենցին և նրա տիպի մեծատուններին համարում էր կապիտալիստներ, իսկ պրոֆ. Վ. Չալոյանը մեծատունների խավի գոյացումը և միջոցների կուտակումը նրա ձեռքին դիտում է իրըն կապիտալի նախնական կուտակման երևույթ:

Ֆեոդալական հասարակության մեջ, այն էլ X—XIII դարերում գոյացած առևտրականներին ու վաշխառուներին կապիտալիստներ հռչակելը զուրկ է հիմքից: Առանց վարձու աշխատանքի շահագործման սիստեմի, առանց հավելյալ արժեքի համար կատարվող ապրանքային արտադրության առկայության կապիտալիստներ չեն լինում: Ֆեոդալիզմի հիմքը կազմում էր հողի ֆեոդալական սեփականությունը: Ուստի բնորոշ է, որ փողատեր մեծատունները սովորաբար ձեռք էին բերում այգիներ, հողեր, կալվածներ և դառնում էին ֆեոդալ հողատերեր:

Մեծատունների ձեռքին կուտակվող դրամական հարստությունները X—XIII դարերում երբեք էլ կապիտալիստական շահագործման, այսինքն՝ վարձու

¹ Ֆրիկ. Բանաստեղծություններ, էջ 170:

² Մատենադարանի ձեռագիր № 8030, էջ 398ա:

³ Մատենադարանի ձեռագիր № 8029, էջ 157ա («Անանիայի վարդապետի հոգեշահութան»):

աշխատանքի շահագործման և հավելյալ արժեքի արտադրության միջոց չէին դառնում: Այստեղ խոսքը, իհարկե, վարձու աշխատանքի պատահական կիրառմանը չի վերաբերում:

Կարլ Մարքսը գրում է. «Դո՛ղն ու ապրանքը, ինչպես և արտադրության միջոցներն ու կենսամիջոցները, ինքնին ամենևին էլ կապիտալ չեն: Նրանք պետք է կապիտալի փոխարկվեն: Բայց այդ փոխակերպությունը հնարավոր է միայն որոշ պայմաններում, որոնք հանդուժ են հետևյալին. երկու շատ տարբեր, հակադիր տեսակի ապրանքատերեր պետք է իրար հանդիպեն և շփման մեջ մտնեն—մի կողմից՝ փողի, արտադրության միջոցների ու կենսամիջոցների սեփականատերեր, որը կարիք ունի աշխատուժ գնելու իր յուրացրած արժեքի գումարը ավելացնելու համար, մյուս կողմից՝ ազատ բանվորները, իրենց սեփական աշխատուժը ծախողները և, հետևապես, աշխատանք վաճառողները»¹: Նշելով, որ վերջիններս ունեզրկվելով ազատ են և զուրկ, մասնավորապես, իրենց արտադրամիջոցներից, Կարլ Մարքսը շարունակում է. «Այսպիսով, կապիտալիստական հարաբերությունն ստեղծող պրոցեսը ուրիշ բան չի կարող լինել, քան բանվորին իր աշխատանքի պայմանների սեփականությունից անջատելու պրոցես,— մի պրոցես, որը, մի կողմից, հասարակական արտադրության միջոցները և կենսամիջոցները դարձնում է կապիտալ, մյուս կողմից, անմիջական արտադրողներին դարձնում է վարձու բանվորներ: Հետևաբար, այսպես կոչված նախասկզբնական կուտակումը ոչ այլ ինչ է, եթե ոչ արտադրողին արտադրության միջոցներից անջատելու պատմական պրոցես»²:

IX—XIII դարերի Հայաստանում նման երևույթների մասին խոսելն ավելորդ է: Կոպիտ սխալ կլիներ նաև առևտրական և վաշխառական կապիտալի ամեն մի աճը նույնացնել կապիտալի նախնական կուտակման հետ: Այդպես վարվել են բուրժուական պատմաբաններն ու տնտեսագետները, օրինակ՝ Զոմբարդը, որի կարծիքով կապիտալի նախնական կուտակումը ոչ այլ ինչ է, քան դրամական քիչ թե շատ խոշոր գումարների կենտրոնացումը առանձին մարդկանց ձեռքին:

Իհարկե, առևտրական կապիտալի առկայությունն ու մինչև որոշ աստիճանի զարգացումը, ինչպես նշում է Կ. Մարքսը, հանդիսանում է կապիտալիստական արտադրական եղանակի զարգացման պատմական նախադրյալ, քանի որ նա ծառայում է իբրև նախապայման դրամական ունեցվածքի կենտրոնացման համար, իսկ կապիտալիստական արտադրությունը ենթադրում է արտադրություն վաճառքի և փոխանակային արժեքի համար³: Սակայն այդպիսի նախադրյալ առևտրական կապիտալը դառնում է կապիտալի նախնական կուտակման և կապիտալիստական արտադրական հարաբերությունների սաղմնավորման ժամանակաշրջանում: Իսկ Ֆեոդալական հասարակության վերելքի ժամանակաշրջանում պարզ ապրանքային արտադրության և առևտրի զարգացումը մինչև որոշ աստիճանի հասնելը, նպաստելով Ֆեոդալի ստանալիք հավելյալ արդյունքի աճին, սպասարկում էր Ֆեոդալական հասարակությանը և օգնում նրա առաջընթացին:

¹ Կ. Մարքս. *Կապիտալ*, հ. 1, Երևան, 1934, էջ 747:

² Նույն տեղում:

³ Կ. Մարքս. *Կապիտալ*, երրորդ հատոր, առաջին մաս, Երևան, 1947, էջ 312:

Բ. ՔԱՂԱՔԻ ՍՏՈՐԻՆ ԿԱՎԵՐԸ

Քաղաքների բնակչության հիմնական զանգվածը կազմում էին ստորին խավերը, կամ ուսմիկների դասը: «Բազմութիւն ուսմիկն որ ի քաղաքին Տրապիզոն ուսմիկ և բամբ»¹: Ն. Շնորհալին էլ իրավս ասում է թե քաղաքի վաճառականները խարում են «զոսմիկսն և զանգիտսն»²:

Խոշոր, միջին, թե փոքր քաղաքներում ու գյուղաքաղաքներում բնակվում էին մեծ թվով քաղաքացիներ, ուրեք հիմնական գրադմունքը հողագործությունն էր քաղաքում և նրա մերձակայքում զանվոդ արտերի, այգիների, մերկաստանների ու պարտեզների մշակությունը:

Սիջնադարյան քաղաքների համար բնորոշ էր այն, որ հողագործությունը պարապող բնակչությունը գերակշռում էր գյուղաքաղաքներում ու մանր քաղաքներում և զգալի թիվ էր կազմում միջին, անգամ մեծ քաղաքներում:

Խոշոր քաղաքներում գերակշռում էր բնակչության արհեստավորական և առևտրական խավը: Դա, իհարկե, միապաղաղ զանգված չէր, ընդհանրապես, ունեցվածքային նկատելի շերտավորման էր ենթարկված:

Առևտրականների մի մասը զանազան միջոցներով հարստություն կուտակելով աստիճանաբար ստվարացնում էր քաղաքային վերնախավի կամ մեծատունների շարքերը: Ավելի սովորաբար էր մանր առևտրականների շերտը, որը քաղաքների շուկաներում մանրածախ առևտրով էր զբաղվում: Սրանք ձգտում էին իրենց ձեռքը ձգել ամենից առաջ սննդամթերքի, մրգեղենի, խմիչքների, երկրագործությունից և անասնապահությունից ստացվող այլ մթերքների, այլև քաղաքի արհեստագործական արտադրանքի մի մասի մանրածախ առևտրում:

Կային նաև շրջիկ առևտրականներ՝ փերեզակներ, որոնք վաճառում էին քաղաքում ձեռք բերած զանազան մանր իրերն ու առարկաները, շրջելով ավանները, բերդերն ու գյուղերը:

Քաղաքի հիմնական արտադրողները արհեստավորներն էին: Երկրի արտադրողական ուժերի աճի, հողագործությունից արհեստագործության անջատման և քաղաքներում կենտրոնանալու, արհեստագործության նորանոր ձյուղերի և մասնագիտությունների առաջացման շնորհիվ արհեստավոր բնակչության թիվը քաղաքներում IX—XIII դարերում բազմապատկվել էր: Գյուղից քաղաք եկող արհեստավորների հաշվին: Ժիշտ է, այդ աճը տարբեր ժամանակներում և տարբեր քաղաքներում հավասարաչափ չէր լինում, սակայն սելջուկյան տիրապետության բնագավառներում հանդերձ, այն տեղի էր ունենում շարունակաբար մինչև մոնղոլական տիրապետության հաստատումը:

Արհեստագործության զարգացումը խոշոր չափով նպաստեց ֆեոդալական հասարակության արտադրողական ուժերի աճին և աշխատանքի բաժանման խորացմանը: Քաղաքներում առաջ էին եկել 100-ից ավելի արհեստ և արհեստային մասնաձյուղ, որոնք երկրի ներքին շուկայում սպասարկում էին հասարակական բոլոր խավերի պահանջարկը տնտեսական, կենցաղային և կուլտուրական բնագավառներում, և որոշ քանակությամբ ապրանքներ էլ արտադրում էին երկրից դուրս արտահանելու համար: Դրան համապատասխան աճում և սովորանում էր քաղաքային արհեստավորության թիվը:

¹ Առաքելյանի մատյանի Բ: Տե'ա Նաև մատյանի Զ:

² Նեոսես Շնորհալի, Քաղաքի բնագավառական, էջ 107:

Քաղաքային արհեստավորության մեջ խորանում էին ունեցվածքային տարբերությունները: Բացի այն հիմնական անջրպետից, որը գոյություն ուներ վարպետների, վարպետացուների և աշակերտների միջև, ինչքային տարբերություններ առաջանում և խորանում էին նաև արհեստային ալիքային ճյուղերով զբաղվող, անգամ նույն ճյուղում զբաղվող վարպետների միջև:

Արհեստավորների ամենահիմնական և աչքի ընկնող տարբերությունն այն էր, որ նրանց մի մասը քաղաքներում ուներ սեփական արհեստանոց-կուղպակ, իսկ մյուս մասը գուրկ էր դրանից: Արհեստանոց-կուղպակ չունեցող արհեստավորները վարձում էին այն կուղպակները, որոնք, օրինակ, Անիի արձանագրությունների մեջ այնքան հաճախ հիշատակված են իբրև ֆեոդալների, վանքերի, մեծատունների սեփականություն¹: Հավանորեն կային և արհեստավորներ, որոնք գուրկ էին կուղպակ-արհեստանոց վարձակալելու հնարավորությունից և ստիպված էին աշխատել ուրիշի արհեստանոցում, ոչ հավասար պայմաններով:

Գույքային տարբերությունների առկայությունը արհեստավորների միջև իր արտահայտությունը գտել է որոշ վիճական արձանագրությունների և ձեռագրերի հիշատակարանների մեջ:

Արհեստավորները արտադրում էին սպառողներին պատվերով և կամ շուկայի համար: Վերջին դեպքերում նրանք, իբրև մանր արտադրողներ իրեր ու առարկաներ էին պատրաստում սեփական նյութից և պատրաստի արտադրանքը վաճառելով շուկայում, հոգում էին իրենց ապրուստը: Արտադրողը միաժամանակ վաճառող էր, և արհեստավորական շարքերը կազմում էին շուկայի բաղկացուցիչ մասը, իսկ արհեստավորի կուղպակը և՛ արհեստանոց էր, և՛ վաճառքի վայր: Քաղաքային կյանքի զարգացմանը համընթաց արհեստավորը ավելի ու ավելի շատ էր արտադրում շուկայի համար:

Այն դեպքում, երբ արհեստավորը աշխատում էր անմիջական սպառողների պատվերով (իր արհեստանոցում, թե այլ տեղում միևնույն է), նա ստանում էր հատուցում կամ վարձ: Այս տեսակետից շատ ընդունելի է Մխիթար Բագրևաթանյանի երկրորդ մասի 124-րդ հոդվածը, որտեղ ասված է. «Արուեստաւորր ամենայն ըստ որում եւ իցեն արուեստի, եթէ հատուածով գործիցեն և եթէ վարձով, յորժամ ոչ ըստ հաճոյից տեսուն գործիցին, այլ և զնիւթն ապականիցին, դատաստանաւ է ըստ հաճոյից նոցա առնել դարձեալ, կամ զապականեալն ի գնոյն ըստ արժանւոյն ընուլ և ապա լիով հասանեն վարձու: Ապա թէ ոչ—պակասեալ ի վարձէ ըստ արժանւոյն որպէս տեսանեն դատաւորք արասցեն»²: Այս հոդվածի երկրորդ մասը պարզ է՝ արհեստավորը պարտավոր է գործը կատարել պատվիրատուի պահանջին համապատասխան, և փչացրած նյութի համար հատուցելուց հետո միայն լրիվ կարող է ստանալ վարձը: «Արուեստաւորք ամենայն... եթէ հատուածով գործիցեն և եթէ վարձով...» սխալ է հասկացվել և թարգմանվել է «Мастера... будут ли они работать сдельно или по най-

¹ Կուղպակները վարձով տալու վերաբերյալ շատ արժեքավոր վկայություն գտնում ենք Կիրակոս Գանձակեցու մոտ: Քոստանով արձեղնեցի Աստուածատուր վարդապետի մասին պատմիչը ասում է «էրսա որդի մեծաասն... եւ իբրև հայրն վախճանեցաւ, առեալ դինչսն՝ բաշխեաց կարոտելոց: Եւ կուղպակր էին նորա բազումք, զայն ետ ի վարձու, և յամենայն ամի առեալ զգինսն գնէր նորոք մօրթն ոչխարանց և կտաւս... և տայր աղբատաց»: (Կիրակոս Գանձակեցի. Պատմութիւն հայոց, Թիֆլիս, 1802, էջ 173):

² Մխիթար Բագրևաթանյանի երկ, էջ 436:

МҮ...»¹ կամ մեկնարանվել է՝ արհեստավորներն աշխատում էին թե՛ «հատավարձով», և թե՛ «վարձով»²։ Մինչդեռ «վարձ» հասկացողությունը ընդհանուր է և նրա տակ ենթադրվել է թե՛ հատավարձը կամ գործավարձը, և թե՛ մեկ օրվա կամ ավելի երկար ժամանակի համար ստացվող վարձը։ Վարձատրության այս երկու ձևերն էլ իրոք եղել են միջնադարյան Հայաստանում, սակայն նրանցից և ոչ մեկը չի համապատասխանում «հատվածով գործելուն», քանի որ «հատվածով գործել» կամ հատվածով աշխատել, պարզապես նշանակել է պատվիրատուի համար որևէ բան պատրաստելիս աշխատանքի դիմաց ստանալ հատուած՝ մաս, բաժին պատվիրատուի հանձնած նյութից՝ գործվածքից, կաշվեղենից, մետաղից, փայտից և այլն, մի երևույթ, որը շատ տարածված է եղել միջին դարերում։ Աշխատանքի դիմաց պատվիրատուի նյութից «հատուած»՝ մաս ստանալը սովորական է եղել դեռևս գյուղատնտեսությունից չանջատված արհեստագործության համար։ Գյուղական արհեստավորը պատվիրատուի նյութից ստացած իր բաժնից պատրաստում էր իրեր, պատվերով կամ ուրիշներին վաճառելու և հաճախ էլ կիրականորա վաճառատեղիները և քաղաքները դուրս բերելու համար։ «Հատուածով» աշխատելը պահպանվեց նաև հետագայում, չնայած այն բանին, որ արհեստավորները կենտրոնացել էին քաղաքներում և նյութը մեծ մասամբ ձեռք էին բերում ընկերովի՝ համաքրույթյունների միջոցով։

Քաղաքների արհեստավորները, առևտրականները և այլ բնակիչները հաճախ կարիք էին ունենում օրավարձով աշխատող սեագործ բանվորների, իսկ աղյակիսները բաղադրելու կային ավելի, քան պահանջվում էր։ Միջնադարյան քաղաքներում առաջացել էր սեագործների ամբիսը կամ հայկական աղբյուրներով մեղ հայտնի վարձկանների սոցիալական խավը։ Սեագործների ամբիսի սպառիչ բնութագիրը տվել են Կ. Մարքսը և Ֆր. էնգելսը։ Սեագործները կամ վարձկանները «բոլորովին դուրս էին կանգնած ֆեոդալական դասային կառուցվածքից, ապաղասակարգայնացված էին, զրկված էին համարյա թե պարիկոսների վիճակի մեջ, որոնց երևան գալը անխուսափելի է ամեն քաղաքի ձեավորման ժամանակ, որոնք կազմում էին ամեն մի միջնադարյան քաղաքի բնակչության ամենաստորին և իրավազուրկ շերտը և դուրս էին գտնվում համայնքից, ֆեոդալական՝ կախումից և արհեստավորական միությունից»³։

Քաղաքների և արհեստագործության զարգացմանը և աճին համեմատ բաղմունք էր նաև օրավարձով աշխատող սեագործների թիվը, քանի որ սրանց կարիքը ավելի ու ավելի էր զգացվում։ «Օրավարձով աշխատանքի պահանջը քաղաքներում, — նշում են Կ. Մարքսը և Ֆր. էնգելսը, — ստեղծեց սեագործների ամբիսը»⁴։

Վարձկաններ կային անտիկ աշխարհի, նույնիսկ հին Արևելքի քաղաքներում, որն իր արտահայտությունը գտել է Մովսեսական օրենքների մեջ⁵։ Միջնադարյան Հայաստանի քաղաքներում օրավարձով աշխատողների կամ վարձկանների մասին առաջին տեղեկությունը գտնում ենք Թովմա Արծրունու մոտ,

¹ „Армянский судебник Мхитара Гюмра“, Ереван, 1954, стр. 221.

² Վ. Ա. Արամյան. Արհեստները Հայաստանում IV—XVIII դդ., Երևան, 1956, էջ 237։

³ К. Маркс и Ф. Энгельс, Сочинения, т. IV, стр. 41—42.

⁴ Նույն տեղում, էջ 42։

⁵ Աստուածաշունչ. Դևոացոց, գլ. ԺԺ, 13, երկրորդ օրինաց, գլ. ԻԴ, 14, 15։

որը հիշատակում է. «առօրեայ վարձ վարձկանի»¹: վարձկանների թշվառ վիճակը պարզ կերպով դրսևորված է Դավիթ Ալավկա որդու Դատաստանագրքում, որտեղ օրենք կա այն մասին, թե գործի տերը մարդկանց չպետք է ուղարկի վտանգավոր աշխատանքի կամ վտանգավոր ճանապարհ, իսկ եթե ուղարկում է և ճանապարհին փորձանք կամ մահ է պատահում, ապա նա պատասխանատու է: Այնուհետև ասվում է, որ եթե գործի տերը զգուշացնում է վտանգի մասին «եւ վարձկանն առ կարիս հարկի իւրոյ յանձն առնուցու, և կրկին անպարտութեան րանն ասէ առ նայ և անդ պատահեն մահ՝ անպարտ է...»²:

Նույն օրենքը նկատելիորեն փոփոխված գտնում ենք նաև Մխիթար Գոշի Դատաստանագրքում³: Գոշը ասում է, որ այն դեպքում, երբ գործի կամ ճանապարհի վտանգավորության մասին շատերն են վկայում, և գործի տերը այնուամենայնիվ մարդ է ուղարկում այդ վտանգավոր տեղը և մահ է պատահում, ապա նա վնասվածի արյան համար պատասխանատու է, «թէպէտ և վարձու իցէ»:

Վարձկանի անմխիթարական վիճակի մասին կարելի է գաղափար կազմել Մխիթար Գոշի Դատաստանագրքի երկրորդ մասի 83-րդ օրենքից, որտեղ ասված է. «Մի՛ զլացէր զվարձս տնանկին և զկարօտելոյ եղբարց քոց կամ յեկաց քաղաքաց քոց. նոյն օրին հատուցես զվարձս նոցա և մի՛ մտանիցէ արեգակն ի վերայ այնորիկ, զի տնանկ է և այն է յոյս նորա...»: Մովսեսական այս օրենքը համապատասխան գտնելով նաև միջնադարյան քաղաքների վարձկանների վիճակին, Գոշը ավելացնում է. «Յայտ է զի յաղագս աղքատութեան եղև վարձկան և աւուրն պիտոյից. զի թէ ոչ հատուցէ յաւուր գործոյն դատաստանաւ է աւելի քան որ վարձն իցէ հատուցանել»⁴:

Շատ որոշակի է ասված՝ վարձկանը տնանկ է և կարոտյալ, վարձկան է դարձել օրվա կտոր հացը ձեռք բերելու համար, ուստի պետք է նրա վարձը թալ մինչև արևի մայր մտնելը, քանի դեռ քաղաքի շուկան ու դարպասները չեն փակվել, որպեսզի վարձկանն իր օրվա ուտելիքը գնել կարողանա: Այս վկայությունից միաժամանակ պարզ երևում է, որ վարձկանին սովորաբար վճարվում էր դրամով:

Վարդան Այգեկցին իր մի քարոզում ասում է, որ «վարձն ի վաստակոցն և ի քրտնացն լինի»⁵, իսկ Գոշը նշում է, որ վարձկանի վարձատրության շափը հարող է տատանվել նայած տեղի և ժամանակի հանգամանքներին. եթե վարձկանների թիվը մեծանում է, ապա նրանց վարձը նվազում է և ընդհակառակը:

Օրավարձով աշխատող այս սեպագործները կամ վարձկանները մյուսներին հավասար իրավունքներից չէին օգտվում անգամ դանձ գտնելու դեպքում: Մխիթար Գոշի Դատաստանագրքի մի հոդվածում նախատեսվում է, որ եթե երկու ոսկու կամ արծաթի դանձ է գտնվում, ապա դա թագավորին է պատկանում, իսկ

¹ Թովմա Արժրուկի, Պատմութիւն, էջ 508:

² Դավիթ Ալավկա որդի, Դատաստանագիրք, Մատենադարանի ձեռագիր № 849, էջ 57ա:

³ Մխիթար Գոշ, Դատաստանագիրք, էջ 421:

⁴ Նույն տեղում, էջ 393:

⁵ Վարդան Այգեկցի, Վասն ողորմութեան և սիրոյ և զթութեան, Մատենադարանի ձեռագիր № 8030, էջ 192ա:

⁶ Մխիթար Գոշ, Դատաստանագիրք, էջ 433:

զանոցին տրվում է տասանորդ գյուտի համար, տասանորդ է տրվում նաև տրվյալ վայրի աիրոջը: Ըստ որում Լեթե գանողը «վարձկան ոք իցէ», ապա նրան տասանորդ չի տրվում, այլ միայն աննշան բաժին է հանվում¹:

Վարդան Այգեկցու մի առակից պարզվում է, որ քաղաքներում եղել է հատուկ վայր՝ տեղի մշակաց, որտեղ հավաքվելով՝ վարձկանները վաղ առավոտից սպասում էին, թե մեկն ու մեկը կգա իրենց գործ տալու: Առակում պատմվում է, թե թագավորի որդին կշտամբում է հորը անիրավության համար, և հայրը սրդուն վտարում է պալատից: Գնալով մի օտար քաղաք, թագավորի որդին ոչինչ չի ունենում պարեն գնելու համար, «զի կարի դատարկ էր, և Լեւալ ի տեղի մշակացն զի կալցեն զնայ ի վարձու. և ոչ կալան զնայ ի վարձու»: Երևելոյան տուն վերադառնալով թագավորի տղան կնոջն ասում է, «այն որ զիս վարձու կալաւ, նա ասաց վաղն էլ եկ բանեց. որ զ Բ ատուր վարձն մեկ տարայէ տամ»: Սակայն նրան վարձող չի գտնվում նաև երկրորդ և երրորդ օրերը²:

Բոլոր դեպքերում էլ վարձկանները հանգես են գալիս որպես ընչազուրկ և ծայրահեղ կարիքի մեջ գտնվող մարդիկ, որոնք ապրում են օրվա պատահական վաստակով, իսկ երբեմն այդ էլ չեն ունենում: Վարձկանները միաժամանակ տնկազմակերպ միայնակներ էին, որպիսի հանգամանքը ավելի էր ծանրացնում նրանց վիճակը:

Իսկ ի՞նչն էր վարձկաններին դեպի քաղաք ձգողը: Իհարկե, դրա համար կային մի շարք պատճառներ, բայց առաջին հերթին նշանակություն ուներ բաղադրների տնտեսական կենտրոն դառնալը, որի շնորհիվ այնտեղ կարելի էր աշխատանք գտնել և օրվա հացը վաստակել, ինչպես և քաղաքային բնակչության ազատ լինելը ճորտությունից, որը առաջ էր բերել ճորտերի մշտական փախուստը դեպի քաղաք:

Անհրաժեշտ է նշել, որ վարձկանների սեագործ և անկազմակերպ ամբոխի առկայությունը բնորոշ էր ֆեոդալական քաղաքի համար: Օրավարձով աշխատանքը ֆեոդալական կարգերին բնորոշ վարձու աշխատանք էր և ենթադրված էր ֆեոդալական շահագործման օրենքներին: Միջնադարյան քաղաքների մշակ — վարձկանների և նրանց գործ տվողների միջև վարձու աշխատանքի և կապիտալի փոխհարաբերություններ որոնելը սխալ կլիներ, քանի որ վարձկանի աշխատանքը ստեղծում էր հավելյալ արդյունք, բայց ոչ հավելյալ արժեք, ուստի այն նպաստում էր ֆեոդալական հավելյալ արդյունքի աճին միայն:

Հաճախ վարձկանների օրավարձը չվճարելով ստիպում էին նրանց ծանր պայմաններով աշխատել և հաջորդ օրերը, անդամ կիրակի օրերն ու գիշերները³: Վարդան Այգեկցու մի քարոզից երևում է, որ վարձկանների աշխատանքը տևում էր 12 ժամ և ավելի՝ արևածագից մինչև մայրամուտ⁴: Վարձկանների աշխատանքը խիստ հսկողության տակ էր լինում, խմբով աշխատողների վրա կարգվում էին վերակացուներ, որպեսզի ստիպեն նրանց լարված աշխատել: Մի ձեռագրում ասված է՝ «սովոր են վարձկանք փոյթ առնել գործոյն մերձ գոլով վերակացուին»⁵:

¹ Մխիթար Գոշ, Դատաստանագիրք, էջ 328:

² Վարդան Այգեկցի, Առակների ժողովածու, հատ. 2-րդ, էջ 146—147:

³ Մասենադարանի ձեռագիր № 3839, էջ 72—77:

⁴ Լ. Խաչիկյան, Աղանդավորական դադափարախոսությունը Հայաստանում XII—XIV դարերում (Ն. Մանի անվան կարիքների «Աշխատություններ», № 2, 1947, էջ 188):

⁵ Մասենադարանի ձեռագիր № 573, էջ 40ա, բ:

Քաղաքի ֆեոդալական վերնախավը, այդ թվում նաև բարձր հոգևորականությունն ու մեծատունները ունեին և որոշ թվով ճորտեր՝ քաղաքում կամ նրա մերձակայքում սեփական անտեսություն մեջ օգտագործելու համար: Ճորտերը զգալի դեր էին խաղում ֆեոդալների աշխատանքի ու պարտեզների, բանջարանոցների ու քաղաքամերձ հողերի մշակման գործում: Ճորտական աշխատանքն օգտագործվում էր անասնապահության մեջ, դաշտում, գոմերում և այլուր: Սակայն ճորտերն ապրում էին առավելապես քաղաքներից դուրս՝ ֆեոդալների և մեծատունների տիրույթներում, ուստի քաղաքային բնակչության կազմի մեջ առանձին տեղ չէին գրավում:

Քաղաքներում լինում էին և փոքրաթիվ մշակներ, որոնք պայմանավորված ժամանակամիջոցում, սովորաբար աշխատանքի այս կամ այն սեզոնում անհրաժեշտ վարձով աշխատում էին ֆեոդալների և մեծատունների մոտ և ժամանակը լրանալուց հետո կարող էին իրենց վարձը ստանալով հեռանալ: Հովսեփ Դվինցու վարքագրության մեջ ասվում է, թե ոմն Սարգիս «կայր ի տանս նոցա (Հովսեփենց տանը՝ Դվինում) մշակարար»¹:

Պետք է նկատել, որ «մշակ» տերմինը ավելի լայն իմաստ ուներ, քան «վարձկանը»: Եթե վերջինս սովորաբար ամեն ինչից զուրկ և օրավարձով աշխատող մարդ էր, ապա մշակ կարող էր համարվել և՛ վարձկանը, և՛ որոշ պայմաններով ու տեական ժամանակով մշակություն անող աղքատը, և՛ այս կամ այն սեզոնում, առավելապես երկրագործական աշխատանքների ժամանակ լրացուցիչ եկամուտ ձեռք բերելու նպատակով գործատիրոջ կամ իր սեփական գործիքներով աշխատանք կատարող շինականը:

Նկատի ունենալով վարձկանների և մշակների աշխատանքը, Գոշն իր Դատաստանագրքում սահմանում է. «Վարձկանք որք տերանց գործեօք վարին, որպէս երկրագործք. ի վնասիլն զգործիս ըստ սովորութեան՝ անպարտք են. իսկ իւրեանց ի գործն վնասելով՝ վճար լիցի տերանցն: Իսկ ինքեանց գործեօք վարելով, որպէս հնձողք, ինքեանց վնասն լիցի. իսկ եթէ գտեառն ի վարձու առցէ և ըստ սովորութեան վնասիցի՝ տեառն լիցի: Այլ թէ յանօթ ի տեառնէ առնուն և վնասիցէ, վճար լիցի: Եւ չարակամութեամբ վնասելով՝ վճար լիցի»²: Գոշի այս հոդվածը նկատի ունի ոչ միայն վարձկանների հասարակական որոշակի խավը, այլև ընդհանրապես վարձատրությամբ գործ կատարողներին, որոնք աշխատում էին տիրոջ գործիքով տիրոջ համար (եթե գործիքը փչանում էր սովորական ձեռով պատասխանատու չէին, իսկ չարակամությամբ փչացնելու դեպքում պատասխանատվություն կրում էին) կամ տիրոջ գործիքով՝ իրենց անտեսության մեջ, երբեմն էլ վարձով վերցնելով գործիքը՝ աշխատում էին ում մոտ որ պատահեր և այս դեպքում պարտավոր էին հատուցել փչացրած գործիքի համար: Վերջապես, վարձով աշխատողները երբեմն էլ գործածում էին իրենց գործիքները, որոնց փչանալու դեպքում վնասն իրենք էին կրում: Պարզ է, որ այստեղ խոսքը վերաբերում է ոչ թե տեական վարձու աշխատանքին մանուֆակտուրային ձևնարկատիրոջ մոտ, այլ պատահական վարձու աշխատանքին՝ ֆեոդալների, մեծատունների և քաղաքացիների մոտ:

Քաղաքային բնակչության ստորին խավի ամենաաղքատ մասի համար աղյուցներում հաճախ գործածվում են «աղքատք», «կարոտողք» «տանկք»,

¹ «Հայոց նոր վկաները», Վաղարշապատ, 1903, էջ 47:

² Սխիւրար Դոշ, Դատաստանագրքը, ՃԻԵ, էջ 437:

«տառապեալք», «սինքորք»¹ և նման այլ հորջորջումներ: Դրանց մի մասը օրավարձով աշխատանք կատարողներ էին, բոլորովին կամ համարյա բոլորովին ընչադուրկ մարդիկ, որոնք ղուրկ էին անգամ տուն ու տեղից և պատահական աշխատանքով դատում էին իրենց ապրուստը: Մյուս մասը, ամեն ինչից զուրկ լինելով, մուրացկանութեան էր դիմում: Միջնադարյան քաղաքներում մուրացկանների թիվը բավականաչափ մեծ էր:

Տնանկ տերմինը, ինչպես տեսանք, երբեմն գործածվում է օրավարձով աշխատող սևագործների համար: Բայց դա ընդհանրապես նշանակում է տուն-տեղ և ապրուստի միջոցներ չունեցող: Հաճախ հանդիպում է և «տառապալ» տերմինը, որը երբեմն անպատասպար, տնանկ իմաստով է գործածվում, ինչպես Գրիգոր Նարեկացու մոտ՝ «Աննուազ լիութիւնդ՝ ընդ չքաւոր ստրկին: Անկապուտ ճոխութիւնդ՝ ընդ անպատասպար տառապելոյ»²:

Ֆրիկի մոտ տառապալը մուրացկան է: Խոսելով մեծատան մասին, Ֆրիկն ասում է.

Տառապելքն են ի գունն եկել,
Որ իւրեանցն կտոր մուրացեն³:

Վարդան Այգեկցին խոսում է նաև վերջին աղքատի մասին, «որ մաշի յաղբն»⁴:

«Պարտապան այր» առակում նա պատմում է այնպիսի մարդկանց մասին, որոնք ծանր պարտքի տակ են ընկել, ազատվելու ճար չունեն և խիստ նեղվում են պարտատերերից:

Քաղաքներում կային նաև զգալի թվով տնային ծառաներ և աղախիններ: Ինչպես երևում է աղբյուրներից, դրանք ժամանակավոր կամ մշտապես ստրկական աշխատանք էին կատարում:

Մառայի կամ աղախնի վիճակի մեջ ընկնում էին գերինները, ծայր աստիճանի աղքատ մարդիկ, որոնք պարտքի դիմաց, երբեմն էլ իրենց գոյութունը պահպանելու համար պայմանով ծառայության էին մտնում ֆեոդալների և մեծատունների մոտ: Մառաների վիճակը այնքան ծանր էր, որ Դատաստանագրքերում հատուկ հոգված կա նրանց փախուստի մասին:

Դավիթ Ալավկա որդին 44-րդ հոգվածով սահմանում է, որ եթե դերին կամ ծառան փախչելով դիմում է բնակչությանը և խնդրում, որ իրեն թաքցնեն կամ աղատեն փրկավճարով, պետք է նրան աղատել, սակայն միաժամանակ զգուշացնում է, թե պետք է ստուգել փախչողներին, քանի որ աղքատները աներկյուղ են բռնավորների ու հարկահանների առջև, և պետք է զգուշանալ նմաններից աղատելուց⁵:

Մխիթար Գոշի Դատաստանագրքից իմանում ենք, որ ծառայության կառող էին հարկադրվել ոչ միայն աղքատներն ու աղքատության պատճառով

¹ Սինքորները հիշատակված են Կիրակոս Գանձակեցու մոտ (Պատմ., էջ 223). բայց դրանք հասարակական առանձին շերտ չէին կազմում: Այդպես անվանվում են քաղաքային ամենաստորին խավերի ներկայացուցիչները հավաքական իմաստով:

² Գրիգոր Նարեկացի, Մատենանոց տպագրության, էջ 76:

³ Ֆրիկ, Բանաստեղծություններ, 1941, էջ 129:

⁴ Մատենադարանի ձեռագիր № 770, էջ 191ր:

⁵ Վարդան Այգեկցի, Առակների ժողովածու, հ. 2-րդ, էջ 218:

⁶ Մատենադարանի ձեռագիր № 839, էջ 59ա - 61ա:

ալարտքի տակ ընկածները, այլև զանազան հանցանքների՝ մանավանդ մարդասպանության և ուրիշներին խեղելու համար դատարանով տուգանքի ենթարկված անձինք, այն դեպքում, երբ սրանք միջոցներ չունենին տուգանքը վճարելու: Այսպիսի աղքատները վաճառվում էին հարուստներին՝ իրեն ծառա և կարող էին ազատվել փրկավճարով կամ ծառայության ժամանակաշրջանն ավարտելուց հետո:

Ծառայությունը փաստորեն անվճար ստրկական աշխատանք էր, որից փախչելու փորձերը սովորական երևույթ են եղել:

Ծառայության ժամկետը որոշվում էր փրկավճարի չափով, իսկ փրկավճարը՝ մարդու արյան զնի $1/4$ -ի չափով: Արյան գինը սահմանված էր 365 դահեկան ոսկով կամ մեկ դահեկանի դիմաց 13 արծաթ դրամի հաշվով¹: Դրա մի քառորդը վճարելով կարելի էր ազատվել ծառայությունից: Փրկավճարը հավասարեցված էր մարդու խեղանդամության համար սահմանված զնին: Եթե տերը խփել, կոտորել էր ծառային, կոտորել նրա ձեռքերը, ոտքերը, կամ թափել նրա ատամները, ապա պարտավոր էր ազատել նրան²: Դեռևս Մովսեսակ սն օրենքներից եկող այս կարգը Մխիթար Գոշը վավերական է համարում և իր ժամանակների համար:

Ծառաները պարտավոր էին տարիների ընթացքում կատարել ձրի աշխատանք, ենթակա էին վաճառքի, ծեծի, խոշտանգման ու խեղման:

Պարտքի կամ փրկավճարի դիմաց ծառան պետք է աշխատեր 6—7 տարի (ազատվում էր 7-րդ տարվա ընթացքում): Դա կոչվում էր «րստ գնոյ ծառայել»³:

Ծառաները վաճառվում էին քաղաքի ֆեոդալներին և մեծատուններին թե՛ քաղաքներում, և թե՛ բերդ-դղձակներում: Նրանց կարելի էր գնել, վաճառել, վերավաճառել և նվիրել, նրանց նաև դողանում էին⁴:

Մխիթար Գոշի Դատաստանագրքից իմանում ենք, որ եթե ծառան մենակ կամ կնոջ հետ միասին էր մտել ծառայության, ալզ դեպքում ծառայության ժամկետը լրանալուց հետո երկուսն էլ ազատվում էին, իսկ եթե տերը իր ծառային կին էր տվել և երեխաներ էին ծնվել, միայն ամուսինն էր ազատվում, իսկ կինն ու երեխաները մնում էին տիրոջ մոտ իրեն ծառաներ: Նրանք կարող էին ազատվել փրկավճարով, իսկ եթե ազատված ծառան միջոց չուներ իր կնոջն ու երեխաներին ետ գնելու և չէր էլ ցանկանում հեռանալ նրանցից, ապա տերը նրան տանում է եկեղեցի «և քահանայիք և հաւատարիմ վկայիք և գրով առցէ զնա ծառայ յաւիտեան»: Այսպիսի ծառան, եթե հետագայում միջոցներ էլ ունենար փրկավճար տալու, միևնույն է՝ իրավունք չուներ ազատվելու⁵:

Ծառաների նույն վիճակը սահմանված էր և աղախիհների համար, դրանք այս ժամանակաշրջանում կին ծառաներ էին, որոնց ծառայության էին վաճառել իրենց աղքատ ու պարտապան ծնողները⁶:

Մխիթար Գոշի Դատաստանագրքից երևում է, որ միջին դարերում որոշ թվով աղքատ ծնողներ պարտքի տակ ընկնելով կամ հարկադրական ծախքի

¹ Մխիթար Գոշ. Դատաստանագրք, էջ 309:

² Նույն տեղում, էջ 343:

³ Նույն տեղում, էջ 335:

⁴ Նույն տեղում, էջ 333—335, 391:

⁵ Նույն տեղում, էջ 337:

⁶ Նույն տեղում, էջ 335—336:

առաջ կանգնած՝ ստիպված էին լինում իրրե ծառա կամ աղախին ժամանակավոր կամ հավիտյան ստրկության վաճառել իրենց զավակներին, Երբեմն էլ իրենք էին ծախվում ընտանիքով հանդերձ:

Ծառաների և աղախիներին թվում ամենից ծանրը գերիներին վիճակն էր: Օտար ծագում ունեցող գերիները ծառա կամ աղախին դառնալով յոթ տարի աշխատելուց հետո ազատվում էին ծառայությունից և թե մկրտվում էին, այսինքն՝ քրիստոնեություն էին ընդունում, իսկ եթե ոչ՝ մնում էին իրրե ծառա՝ ստրուկ և Լնթակա էին վաճառքի: Նրանք չէին ազատվում և վաճառվում էին անգամ խեղանդամ դառնալուց հետո, բայց էժան գնով: Այս կարգը հայերի և ընդհանրապես քրիստոնյաների նկատմամբ օտարների մեջ գործող օրենքի պարզ կրկնությունն էր: Քաղաքային կյանքի, դրամական շրջանառության և վաշխառության զարգացումը և աշխատավոր բնակչության ընչազրկումը որոշ պայմաններ էին ստեղծում ժամանակավոր ստրկության աճի համար: Սակայն ստրկական աշխատանքն այս ժամանակաշրջանում խոշոր դեր չէր կատարում և կիրառվում էր գերազանցապես տնային ծառայության ձևով՝ ունենալով մեծ մասամբ ժամանակավոր բնույթ: Գրով ու Երզումով հավիտենական ստրուկ հաստատվածների թիվը ավելի փոքր էր, քան գերի վերցված մշտական ստրուկների թիվը:

Անհում գտնվող ծառաների մասին ուշագրավ մի վկայություն պահպանել է Մատթեոս Ուռհայեցու պատմության շարունակողը: Պատմելով 1161 թ. Անիի պատերի տակ տեղի ունեցած զեպքերի մասին նա ասում է, թե վրացիների զրավումից հետո, Անիի վրա շարժվեց խլաթի Շահի Արմենի 80 հազարանոց բանակը, որը պաշարեց քաղաքը: Սակայն թշնամու վրա հարձակվելով, վրաց զորքերը ծանր պարտության մատնեցին նրան և վերցրեցին խոշոր ավար ու մեծ թվով գերիներ: Այնուհետև պատմիչը շարունակում է, թե Գեորգիին վերցնելով Անին «Երեստ քառասուն հազար դահեկան և գնեաց ի հեծելին՝ զգերևալ ծառայսն Անույ՝ քրիստոնեայ և զայլազգի»¹:

Ահադ. Հ. Մանանդյանի կարծիքով այստեղ խոսքը վերաբերում է «Շիրակ-Անիում վերցրած գերիների և տ գնման»²: Այն ընդունենք այս տեսակետը, պիտի ավելացնենք, որ պատմիչը նկատի ունի այն գերիներին, որոնք փրկավճարով ազատվելու ճիշդցներ չունենալով, գերի էին տարվում իրրե ստրուկ: Սակայն բնագրի «գերևալ ծառայսն Անույ» արտահայտությունը և ծառաների թվում քրիստոնյաներից բացի այլազգիների առկայությունը թույլ են տալիս ենթադրելու, որ այստեղ խոսքը վերաբերում է Անիում գտնվող ծառա-ստրուկներին, որոնց գերի էին վերցրել թշնամու հեծյալները: Ուռհայեցու պատմության շարունակողը տեղեկություն է պահպանել նաև այն մասին, որ վրացիները «առին ծառայս Երկու հազար և հինգ հարիւր»³: Սակայն աղբյուրներից մենք իմանում ենք, որ վերցված գերիների թիվը շատ ավելի մեծ էր զոհվածների (7000) թվից և ըստ զեպքերին ականատես Մամվել Անեցու 23 հազարի էր հասնում⁴: Այն-Ֆարիքիի վկայությամբ գերի էին ընկել «շուրջ 9000 մուսուլ-

¹ Մխիթար Գոշ, Դասաստանագիրք, էջ 343:

² Մատթեոս Ուռհայեցի, Ժամանակագրություն, էջ 426—427:

³ Հակոբ Մանանդյան, Մենական տեսություն հայ ժողովրդի պատմության, հատոր 3-րդ, էջ 112:

⁴ Մատթեոս Ուռհայեցի, Ժամանակագրություն, էջ 426:

⁵ Մամվել Անեցի, Հաւարմունք ի դրոց պատմագրաց, էջ 137:

ման՝ հեծյալ և հետիոտն, Սուրբմանի տոհմի ազնվականներ և ուրիշներ»¹։ Այդ 2500 ծառաները կամ տնեցիներին թշնամու վերցրած ծառաներն էին, որոնք ետ խլվեցին պատերազմի դաշտում առանց փրկվածարի, կամ թշնամու զորքերի թվին վերցված այն զերիներն էին, որոնք պետք է ծառա (ստրուկ) դառնային՝ զուրկ լինելով փրկվածարով ազատվելու հնարավորությունից։ Հենց այս կարգի զերիներին վրացիներին ետ է գնում հակառակորդը։ Այ-Ֆարիթի ասելով Շահ-Արմենի վկայի «ուղարկեց 1000 դինար կազմող մի գումար՝ ետ գնելու այնպիսի մուսուլման զերիներ, որոնք ոչ ընտանիք ունեն, ոչ էլ փող»²։

Բերված փաստերից երևում է, որ ծառաների՝ այդ ժամանակվա կամ մշտական ստրուկների թիվը քաղաքներում այնքան էլ փոքր չէր։ Մոնղոլական արապետության ժամանակ ստրկական վիճակի մեջ ընկան նաև շատ արհեստավորներ, որոնք աշխատում էին հանքավայրերում կամ պետական քարխաններում³։

Այն հարցի տեսակետից, թե ինչ պատկերացում ունեին միջին դարերի գործիչները ֆեոդալական հասարակության սոցիալական կազմի, դասերի ու շերտերի վերաբերյալ, որ շերտերն էին համարվում վերադաս և որոնք՝ ստորադաս, մեծ կարևորություն են ներկայացնում ներսես Շնորհալու թղթերը։

Ընդհանրական թղթում, գրված XII դարի 60-ական թվականներին, ներսես կաթողիկոսը դիմում է քաղաքների, դպրանների, գյուղերի և ազարանների բնակիչներին՝ ըստ երկնային դասերի թվի զետեղելով դրանց ինը դասի մեջ⁴։ Ահա թե ում է դիմում նա.

«Քահանայապետաց և քահանայից, վանականաց և քաղաքայնաց, իշխանաց և իշխեցելոց, դինուրաց դասուց՝ ձիավարժից և հետևակաց, գաւառապետաց և գործակալաց, տանուտէրաց և երկրագործաց, վաճառականաց և արուստագիտաց...»։

Նույնպես ինը դաս, ավելի որոշակի, բայց հերթականության որոշ փոփոխությամբ, Շնորհալին հիշատակում է նաև Կարս քաղաքի բնակիչներին հասցեագրված իր ուղերձում.

«...Այս մեր գիր օրհնութեան հոգևորական հրամանի՝ է... զոր գրեցաք յանձատոյց զղեակդ և հոյակապ քաղաքդ Կարս և որ ընդ դովաւ նահանգդ դեղօրէից, վանօրէից և ազարակաց. որոց այդոցիկ ամենեցուն՝ սրբազան հարց (1), խաչակրօն միանձանց (2), աստուածարեալ և շնորհազարդ քահանայից (3), մեծազարմ իշխանաց (4), քրիստոսասէր զինուորաց (5), արգասու վաճառականաց (6), պատուաւոր տանուտերաց (7), աշխատասէր երկրագործաց (8), ձեռնահմուտ արուստագիտաց (9)...»։

¹ V. Minorsky, Studies in Caucasian History, London, 1953, p. 90.

² Նույն տեղում, էջ 91։

³ Պղնձի այգյուսի մի հանքավայր յ... և բարխան համգալա՝ Ղազվի-նին հիշատակում է Սյունիքի Աջնան կոչվող վայրում։ (Տե՛ս Է. Մ. Петрушевский, Хамлаах-Казвини как источник истории Восточного Закавказья, «Известия» АН СССР, 1937, № 4, стр. 909—910).

⁴ Ներսես կաթողիկոս, Թուղթ ընդհանրական, էջ 1—2։

⁵ Նույն տեղում, էջ 302—303։ Փակագծերի մեջ մեր կողմից գրված 1—9 համարները դասերի համարներն են ցույց տալիս։

Մեջ բերված երկու հատվածում էլ Ներսես Շնորհալիկ երկրի ամբողջ բնակչությանը բաժանում է ինը դասի, որից երեքը կազմում են հոգևորականները, երեքը՝ ազնվականները, զինվորականությունը և տեղական պաշտոնությունները՝ հանդերձ և երեքը՝ պյուղի ու քաղաքի հիմնական բնակչությունը՝ երկրագործները, առևտրականները և արհեստավորները¹։

Երկու ղեկավար էլ ամենից վեր դասված է հոգևորականությունը՝ իր երեք ստորաբաժանումներով։ Այդպես վարվում էին բոլոր եկեղեցական գործիչները, Լինելով այն բանից, որ ժողովրդի հոգևոր տերերը վեր են նրա մարմնավոր տերերից։

Հոգևորականներից հետո, երկու ղեկավար էլ հիշատակված են իշխանները, այսինքն աշխարհիկ ֆեոդալները, ապա զինվորների «ղասը»։ Դրանից հետո, երկու հատվածների մեջ հիշատակված «ղասերը» նույնն են, սակայն բերված են տարբեր հերթականությամբ։ Ամբողջ բնակչությանն արված դիմումի մեջ զինվորականներից հետո հիշատակված են զավառապետները, գործակալներն ու տանուտերերը, ապա երկրագործները և վերջում քաղաքի բնակիչները՝ վաճառականներն ու արհեստավորները, որովհետև սրանք անցյալում նկատելի չէրտ չէին կազմում և մանավանդ որ եկեղեցական գործիչները քաղաքները համարում էին մարմնավոր արատների լուծ, իսկ քաղաքացիներին՝ զրանց կրողները։

Մի փոքր ավելի ուշ գրված երկրորդ թուղթը ուղղված է մեծ և վաճառաշահ քաղաք Կարսի բնակչությանը և պատահական չէ, որ հեղինակը նկատի ունենալով խոշոր վաճառականներին, նրանց ութերորդ տեղից բարձրացնում է վեցերորդ տեղը՝ «պատուաւոր տանուտերներից» և «աշխատասեր երկրագործներից» առաջ։

Նույն երկվությունը տեսնում ենք և այլ աղբյուրներում։ Վաճառականները երբեմն սուր հանդիմանության, երբեմն էլ զոլմասանքի են արժանացել։ Արհեստավորներին երկու թղթում էլ հատկացված է վերջին տեղը։

Շնորհալիկան թղթում գործածվում է և «քաղաքականք» ավելի ընդարձակ իմաստ ունեցող տերմինը. «Առ քաղաքականսդ» վերնագրի տակ ասված է. «Պատուէր տամք և քաղաքայնոցդ և որք ի վաճառափողոցս նստիք զնել և վաճառել և առ արուեստաւորսդ, զի ուղղութեամբ տանիցիք զկեանս ձեր և անարատ քաղաքավարութեամբ»։ Այստեղ հասկացվում են վաճառականներն ու արհեստավորները, և դա կարելի է բացատրել երկու հանգամանքով. նախ՝ արհեստավորներն ու առևտրականներն իրոք զիտվում էին իրեն քաղաքային դաս և երկրորդ՝ նրանք կազմում էին քաղաքային բնակչության հիմնական մասը։

¹ Համեմատելով այս երկու հատվածները (պայմանական՝ Ա և Բ) հոգևորականության առաջին եւս բարձր դասի տակ Բ հատվածում գտնում ենք՝ «սրբազան հարց», իսկ Ա հատվածում՝ «քահանայապետաց», երկրորդ դասի տակ՝ Բ հատվածում՝ «խաչակրօն միանձանց», Ա հատվածում՝ «վանականաց և քաղաքայնոց»։ Գործում ենք, որ այստեղ պետք է հասկացվի միանձանց՝ վանականաց և քաղաքայնոց։ Հոգևորական երրորդ դասի տակ երկու ղեկավար էլ հիշատակված են քահանաները։

Ազնվական երեք դասից Բ հատվածում գտնում ենք՝ «մեծագարմ իշխանաց», իսկ Ա հատվածում՝ «իշխանաց և իշխնցելոց», որտեղ «իշխնցելոց» բառի զոյությունը արդյունք է սուկ հոգևորական ոճի։ Երկրորդ դասի տակ երկու ղեկավար էլ գտնում ենք զինվորներին՝ հեծյալ և հետեակ։

² Ներսես կաթողիկոս, Թուղթ ընդհանրական, էջ 108—107։

ինչպես աղբյուրներն են վկայում, քաղաքային բնակչությունը համեմատած գյուղերի և ագարակների բնակիչների հետ որոշ արտոնություններ էր մայելում:

Դրա վերաբերյալ հնագույն վկայությունը հանդիպում է Մովսես Խորենացու մոտ, որի ասելով՝ զեռուս Վաղարշակ թագավորը «Հռաման տայ» և քաղաքացեաց մարդկան արդոյ և պատիւ լինել առաւել քան զզեղչկաց. և զեղչկաց պատուել զքաղաքացիս որպէս զիշխանս. և քաղաքացեաց մի կարի առ զեղչկօքն պերճանալ, այլ եղբայրաբար վարիլ...»¹: Այստեղ որոշակի ակնարկ կա Հայաստանի անտիկ շրջանի քաղաքների բնակչության ինքնավարության և արտոնությունների մասին, որոնց հետքերը պահպանվում էին և վաղ միջնադարում: Այլ կերպ չի կարելի հասկանալ Հովհաննես կաթողիկոսին, երբ նա ասում է թե VII դարում Զվարթնոցում բնակեցվել է «ամբոխութիւնն երզումարդաց ըստ պայմանի քաղաքականաց»²:

Այդ օրերը միջին դարերին համապատասխանող խմբագրությամբ ձևակերպել է Մխիթար Գոշն իր Դատաստանագրքում, որտեղ կարգում ենք. «Արք (ի միում օրինակի արդ) քաղաքացիք առաւել քան զզեղչուկս պատուիցին և զեղչկաց նմանապէս առաւել պատիւ լիցի քան բնակչաց ագարակի. սոյնպէս լիցի բերդի բնակչաց և աւանի, զի և կարգ առաջնոցն է մերոց թագաւորացն ս:յգոթիկ»³:

Ինչպես և Խորենացու մոտ զեղչուկները պետք է պատվին քաղաքացիներին իբրև իշխանների, ապա Դոշի մոտ այդ տարբերությունը մեղմացած է և ասվում է թե քաղաքացիները պետք է առավել պատիվ վայելեն, քան զեղչուկները: Բացի այդ Գոշը որոշակի ասում է, թե քաղաքացիների արտոնությունները տարածվում էին նաև բերդի ու ավանի բնակչության վրա:

Մական, պարզ չէ, թե ինչ արտոնություններով են օժտված եղել քաղաքացիները: Դժվար է ենթադրել, թե այդ անհայտ արտոնությունները XII դարում նույնն էին, ինչ որ IV—V դարերում: Թվում է, թե Մխիթար Գոշի ժամանակներում քաղաքացիների արտոնությունները կարող էին տարբեր ձևերով արտահայտվել: Նախ՝ քաղաքացիները ազատ չլինելով ֆեոդալական կախումից, միևնույն ժամանակ ենթակա չէին նաև ճորտական կախման. ճորտերի թիվը օղակներում աննշան էր: Երկրորդ՝ հարկեր, տուրքեր վճարելով պետությանը, ֆեոդալներին, մասնակցություն ունենալով քաղաքի ամրությունների կառուցման աշխատանքներին ու նրա պաշտպանության գործին, քաղաքացիները, սակայն, ազատ էին ֆեոդալների օգտին տրվող զանազան պարհակներից ու որոշ պարտավորություններից:

Չնայած դրան, քաղաքի բնակչությունը նույնպես ենթակա էր ֆեոդալական ծանր շահագործման և կեղեքման:

Ամփոփելով ներկա հոդվածում բերված փաստերը և նրանց վերլուծությունը, կարելի է եզրակացնել.

1. Ֆեոդալական քաղաքները Հայաստանում IX—XIII դարերում աչքի ընկնող զարգացում ապրեցին: Շնորհիվ արհեստագործության, առևտրի ծավալման, հասութարևր այլ և այլ հաստատությունների՝ իջևանների, պանդոկների,

¹ Մովսես Խորենացի. Պատմութիւն հայոց, Տփղիս, 1913, էջ 117—118:

² Հովհաննես կաթողիկոս, Պատմութիւն, էջ 113:

³ Մխիթար Գոշ. Դատաստանագրք, էջ 318:

Նյութանոցների, չրադացների, ձիթհանների առաջացման ու նրանց թվի մեծացման, քաղաքները դարձան նշանակալից տնտեսական կենտրոններ:

2. Քաղաքների տնտեսական աճին զուգընթաց բազմապատկերվել էր նաև նրանց բնակչության թիվը, որը սերտորեն կապված էր մի կողմից՝ քաղաքների տնտեսական կենտրոն դառնալու հանգամանքի հետ, մյուս կողմից՝ քաղաքային բնակչության որոշ արտոնությունների առկայության հետ: Վերջիններս դրոսեորվում էին, զլխավորապես նրանով, որ քաղաքային բնակչությունը ազատ էր անմիջական ճորտական կախումից: Քաղաքը ձգողական ուժ է ստանում բնակչության տարրեր խավերի, իսկ առաջին հերթին գյուղից եկող արհեստավորության և ճորտությունից փախչող շինականների համար: Ի վերջո քաղաքի բնակչությունը աճում էր գյուղական բնակչության հաշվին:

3. Ֆեոդալական քաղաքի ձևավորման և զարգացման հետևանքներից մեկն էլ եղավ ֆեոդալական հասարակության սոցիալական շերտավորման խորացումը, որը արտահայտվում էր մի կողմից տարրեր դասերի և շերտերի միջև ունեցվածքային տարբերությունների և անջրպետի մեծացմամբ, մյուս կողմից՝ հասարակական նոր խավերի առաջացմամբ:

4. Քաղաքներում ձևավորվում է մի նոր դաս՝ քաղաքային դասը, որն ադրյուրներում անվանված է Բաղաֆական կամ Բաղաֆականաց դաս: Որա մեջ մտնում էին բոլոր քաղաքացիները, որոնք ազնվական, հոգեորական և զինվորական չէին: Հիմնականում դրանք արհեստավորներն ու առևտրականներն էին:

5. Հեռուհեռու առաջանում է նաև քաղաքային վերնախավը՝ մեծատուն անունով: Այս խավը բաղկացած էր ոչ միայն խոշոր առևտրականներից և վաճառատներից, այլև տնտեսական, հարկային, վարչական ու զինվորական պաշտոնությունից: Պաշտոնյաները նույնպես խոշոր հարստություններ կուտակելով մեծատուններ էին դառնում: Քանի որ ֆեոդալական հասարակության հիմքը կազմում էր հողի ֆեոդալական սեփականությունը, իսկ հիմնական արտադրողների շահագործման ձևերը գեռես անրաժան կերպով մնում էին ֆեոդալական, դրա պատճառով էլ մեծատունների զգալի մասը, մանավանդ առավել խոշոր մեծատունները դրամի օգնությամբ ձեռք էին բերում հողային տիրույթներ և այլ անշարժ ունեցվածք, որտեղ կիրառում էին շահագործման ֆեոդալական ձևերը և ստանում էին ֆեոդալական հավելյալ արդյունք: Այսպիսով, նրանք ֆեոդալականանում էին:

6. Քաղաքներում առաջացել էր նաև սևագործ ամբոխը, որը բաղկացած էր քաղաք եկած շինականներից, առավելապես բնագուրկ մարդկանցից, և իր ապրուստը հոգում էր պատահական գործով՝ աշխատելով օրավարձով իրեն «վարձկան»: Սևագործների բազմության մի մասն էլ մուրացկանությամբ էր պահպանում իր գոյությունը:

7. Վերջապես, քաղաքներում գոյություն ունեւ ծառաների և աղախիների ինստիտուտ, որը վերաբաղում էր ստրկական հարաբերությունները վերապրուկային և ֆեոդալիզմի պայմաններին հարմարեցված ձևերով: Դա գերազանցապես ժամանակավոր ստրկություն էր, «ծառայի» և «աղախին» անվարձահատուց աշխատանքը չոթ տարվա տևողությամբ, թեև փրկավճարով կարելի էր ծառային կամ աղախինն ստրկական վիճակից ազատել ակզրից և եթ, կամ մինչև չոթ տարին լրանալը: Գոյություն ունեւ և աշնպիսի կարգ, որով տեղը իր ծառային կարող էր դարձնել «հավիտենական» ծառա կամ աղախին,

որպիսի վիճակի մեջ ամենից ավելի ընկնում էին այն ղեռի ծառաները, որոնք չէին համաձայնում փոխել իրենց զավանանքը, ինչ զավանանքի էլ նրանք պատկանեին:

Այսպիսով քաղաքային բնակչությունը բաղկացած էր ոչ միայն տարրերի զստակարգերից, այլև տարրերի զստերից ու խավերից և անջրպետը նրանց միջև ավելի ու ավելի խորանում էր քաղաքների զարգացմանը համընթաց: Այս ամենի շնորհիվ ֆեոդալական քաղաքը ներկայանում է իրրև անհամեմատ ավելի բարդ հասարակական կառուցվածք ունեցող և ավելի բազմակողմանի ու սուր ներհակություններ պարփակող մի ամբողջություն, քան գյուղը, ուստի և զգալի փոփոխություններ է առաջացնում զարգացած ֆեոդալիզմի ժամանակաշրջանի հասարակության մեջ:

9

СОЦИАЛЬНЫЙ СОСТАВ НАСЕЛЕНИЯ СРЕДНЕВЕКОВЫХ ГОРОДОВ АРМЕНИИ

Б. Н. АРАКЕЛЯН

(Р е з ю м е)

В истории Армении IX—X века знаменательны возникновением многочисленных феодальных городов. Рост и развитие городов, с известными колебаниями, продолжают и в последующие столетия и прерываются в 30-х годах XIII в., когда в стране установилось владычество монголов с их пагубной для жизни городов экономической и политической системой.

В IX—XIII вв. происходят значительные сдвиги в социальной структуре феодального города Армении. Состав городского населения приобретает четко выраженный сословный облик.

Наряду с феодальной знатью (с ее военными дружинами) и духовенством возникает новая прослойка городской верхушки — «мещатинов» (*մեծաւորներ*). Она состояла не только из купцов и ростовщиков, но и из служилого люда, из лиц, занимавших в феодальном обществе хозяйственные, фискальные, административно-судебные и военные должности. Обычно мещатины приобретали большие наделы земли и недвижимое имущество (мельницы, маслобойни, караван-сарай, дома) и становились феодалами. Следовательно, их нельзя отождествлять с капиталистами.

Низшее сословие в городах составляли рамики. В него входили ремесленники и мелкие торговцы, проживавшие в городах земледельцы и представители самых низших слоев городского населения. Сословие рамиков непрерывно росло за счет сельского населения и представляло собой основную массу горожан или городского сословия (бюргерство), именуемого в армянских источниках кахакаанк (*քաղաքականք*).

Ремесленники и городские земледельцы составляли основное производящее население городов. Производственная роль ремесленников,

объединенных в цехах, и городских земледельцев зависела от степени отделения ремесла от земледелия и роста городов.

В городах возникла прослойка поденщиков, именуемых в армянских источниках «вардзканами» (*վարձկանք*). Труд вардзканов не мог вызвать отношения наемного труда и капитала и создавать прибавочную стоимость, а скорее способствовал производству феодального прибавочного продукта.

В городах существовали также «мшак» — (*մշակք*) — и временные или сезонные работники из числа бедных горожан, а также беглых крестьян. Немало было и нищих.

На самой низкой ступени находились «царайк» — (*ծառայք*) и «ахак» (*աղակալք*) — слуги и служанки, которые фактически находились во временном рабстве. Их можно было купить и продать; они освобождались от рабства по истечении семилетнего срока службы или откупались до истечения этого срока. Существовала и незначительная прослойка постоянных рабов. Таковы были пережиточные формы рабства в средневековых городах.